

內景篇

小便

大便

東醫寶鑑

卷四
上
下

東醫寶鑑內景篇卷之四上

東醫忠勤貞亮扈

聖功臣崇祿大夫陽平君

許

俊奉教撰

小便

小便原委

靈樞曰水穀者常並居胃山成糟粕而俱下于大腸而成下焦滲而俱下濟泌別汁循下

焦而滲入膀胱焉○內經註曰水液自迴腸泌別

汁滲入膀胱之中胞氣化之而爲尿以泄出也○

難經註曰水穀自小腸盛受於闕門以分別也其

水則滲灌入於膀胱上口而爲溲便詳此三說則

小便卽泌別之水液滲入膀胱以出者也內經曰

飲入於胃遊溢精氣上輸於脾脾氣散精上歸於

肺通調水道下輸膀胱則小便又似水飲精微之

氣上升脾肺運化而後成者也夫溲尿者水也水

之下流其性則然也飲入於胃其精氣雖上升其本體固不能上升則豈可謂小便獨爲氣化所成哉內經曰膀胱者津液藏焉氣化則能出矣且水者氣之子氣者水之母氣行則水行氣滯則水滯或者謂小便純由泌別不由運化蓋不明此理故也堧

脬爲尿器

膀胱雖曰津液之府至於受盛津液則又有脬而居膀胱之中焉故內經曰脬移熱於膀胱

靈樞曰膀胱之脬薄以濡類纂曰膀胱者脬之室也夫脬之居於膀胱也有上口而無下口津液既盛於脬無由自出必因乎氣化而後能漸漬浸潤於胞外積於脬下之空處遂爲尿以出於前陰也若曰脬下無空處則人尿急時至廁安能卽出乎夫惟積滿脬下之空處而不可再容故急急則

至廁卽出矣堧

辨尿色

水液渾濁皆屬於熱。小便黃者，小腹中有熱也。肝熱病者，小便先黃。足陽明之脈病，氣

盛則尿色黃。有五色，惟赤、白、色者多，赤色多，因酒得之，白色乃

下元虛冷。小便不禁，赤者有熱，白者氣虛。心

脈法：少陰脈數，婦人則陰中生瘡，男子則氣脈

脈法

滑實為癰。遺精白濁，當驗於尺結。乳動緊

二證之的。便血則乳數，則赤黃實。脈癰閉熱

在膀胱。兩尺脈洪數，必便濁遺精。淋脈

盛大而實者，生虛細而澁者，死。微者，氣閉。膀胱

治。淋病之脈，細數何妨。少陰微者，氣閉。膀胱

女人見之，陰中生瘡。大

實易愈。虛澁則亡。醫

小便難外候

候其鼻頭色黃者，小便必難。鼻色黃者，知其小便難也。候

小便不利

陰虛則小便難。○小便澀者，血因火燥，下焦無血，氣不得降而滲泄之，令不行也。宜補。

陰降火四物湯。

方見

加知母、黃柏。

○下焦無血。

小便澀數而黃，四物湯加知母、黃柏、牛膝、甘草稍。

心

○小便難者，出不快也。經曰：陽入陰分，則膀胱熱而小便難。惟陰分虛而陽熱乘之，若小便黃赤。

則萬全木通散利之。○小便數而不利者，有三。

若大便泄瀉而津液澀少者，一也。宜利而已。若熱

搏下，焦津液不能行者，二也。必滲瀉乃愈。若脾胃

氣澀不能通調水道，下輸膀胱而化者，三也。可順

氣令施化而出，宜茯苓、琥珀散。○上盛下虛，小

便赤澀，或欲成淋，宜清心蓮子飲。○導赤散見

五臟。○腎虛小便數而瀝。

如欲滲之，狀宜平補。元菔。

萬全木通散

治膀胱有熱，小便難而黃滑。石二錢，木

通赤茯苓、車前子、炒瞿麥各一錢，右爲

散。

末水煎服或取末
三錢水調服

茯苓琥珀散

治小便澀數宜滲泄分利之澤瀉一兩
滑石七錢赤茯苓白朮琥珀猪苓各五

錢肉桂甘草炙各三錢右爲末每三錢以

長流甘爛水一盞調下以美饍壓之

平補元

治小便數而瀝如欲滲漏或遺尿不禁兔絲
子酒製山茱萸酒浸焙當歸益智仁各五錢

川練肉牛膝胡蘆巴炒杜仲薑汁炒巴戟肉菘蓉
酒浸各三錢半乳香二錢右爲末糯米糊和丸梧

子大棗湯或鹽
湯下五十九指

一方

治心經蓄熱小便赤澀梔子仁大黃煨
連翹甘草各等分右剉五錢水煎服

小便不通

胞移熱於膀胱則癰尿血
經內八正散加木香主之
○足厥陰之脉

過陰器所生病遺尿閉癯督脉者女子入繫挺孔
其孔尿管之端也其生病癯痔遺尿是二經者大
陽之別也入絡膀胱約下焦實則癯閉虛則遺尿
○閉癯合而言之病也分而言之有暴久之
殊蓋閉者暴病爲尿管滴不出俗呼小便不通是
也癯者久病爲尿管滴瀝點滴而出一日數十次
或百次名爲淋病是也○熱在下焦填塞不便
其證小便閉塞而不渴時見蹀者是也○熱△小便
不通有氣血之異如渴而小便不通者熱在上焦
氣分宜清肺散如不渴而小便不通者熱在下焦
血分宜滋腎丸○小便不通臍下狀如覆碗痛
悶難堪治法有二如氣不能化而不通則陳皮茯苓
湯調木香沉香末二錢空心服兼用吐法以提
之如血汚於下而不通則用桃仁承氣湯之類○
○以破之○夫熱則不通冷則不禁其熱盛者
小便閉而絕無其熱微者小便難而僅有○小

便不通乃血滯致氣不通而竅澁宜導氣除燥湯
礪○小便不通宜五苓散傷寒導赤元地膚子湯

宣氣散通關丸猪苓湯
加味五苓散透泉散

八正散

治膀胱熱積小便癰閉不通大黃木通瞿麥
篇蓄滑石梔子車前子甘草各一錢右剉作

一貼入燈心一錢
空心水煎服

清肺散

治渴而小便閉猪苓通草各一錢半赤茯苓
澤瀉燈心車前子各一錢篇蓄木通瞿麥各

七分琥珀五分右剉作
一貼空心水煎服

滋腎丸

治不渴而小便閉黃柏知母並酒洗焙各一
兩肉桂半錢右爲末水丸梧子大空心白湯

下百丸礪一名泄腎丸△一人病小便不通腹脹
脚腫雙睛凸出晝夜不眠苦痛不可言且苦嘔噦

衆醫無效東垣曰膀胱者津液之府氣化則能出矣小便癃閉是無陰而陽氣不化者也此人奉養太厚膏粱積熱故膀胱者腎之府久而乾涸小便不化今內關外格之病悉具死在朝夕但治下焦其疾自愈遂處此方服之須臾尿出如涌泉卽差

導氣除燥湯

治小便不通赤茯苓一錢半黃栢一錢二分滑石知母澤瀉各一錢右剉作一

貼入燈心一錢
空心水煎服

導赤元

治膀胱有熱小便不通大黃一兩半炒梔子一兩二錢木通生乾地黃各八錢赤芍藥赤

茯苓滑石各四錢右爲末蜜丸梧子大以
導赤散方觀煎水空心吞下三五十九丸

直指

地膚子湯

治下焦熱結小便不通地膚子一錢知母黃苓冬苓瞿麥枳實升麻通草各葵子海

藻各七分右剉作一貼空心水煎服○女人房勞後小便不通脉沉細用猪腎半隻同煎服最效

宣氣散

治癰閉急痛甘草梢木通各三錢梔子二錢葵子滑石各一錢右末三錢燈心湯調下心

通關丸

治小便不通黃栢知母並酒炒滑石各二兩木通一兩肉桂一錢右爲末水丸梧子大空

心白湯下

百丸鑿

猪苓湯

治熱結小便不通猪苓木通澤瀉滑石枳殼黃栢酒浸牛膝麥門冬瞿麥篇蓄車前子各

七分甘草三分右剉作一貼

入燈心一錢空心水煎服

加味五苓散

治虛寒小便不通五苓散料等分加當歸枳殼牛膝木通甘草稍亦等分右剉

入燈心一撮空

心同煎服

透泉散

治小便赤澀不通滑石一兩芒硝甘草各五錢琥珀二錢半右細末每二錢空心以燈心

煎湯調下

老虛人癰閉

年老人小便不通多是氣短血少四物湯加黃芪煎水吞下滋腎丸空心翻○

老人氣虛小便不通四物湯加黃芪人參吞下滋腎丸○老人虛人小便不通琥珀末以人參赤

茯苓煎湯調

空心服

癰閉宜吐

小便不通屬氣虛血虛有實熱有痰氣閉塞皆宜吐之以提其氣氣升則水自降蓋

氣承載其水也氣虛用參朮升麻血虛用四物痰多二陳皆先服後探吐之實熱當利之用八正散

上方見○一人病小便不通諸藥無效丹溪曰此積痰病也積痰在肺肺為上焦而膀胱為下焦上焦

閉則下焦塞比如滴水之器必上竅通而後下竅
之水出焉乃以二陳湯先飲大吐之病如失辨△
痰多阻滯水道不通二陳湯加香附子木香木通
煎之先服一盞以餘渣探喉中吐之以提其氣氣
升則水自降○實熱不通砂糖水
調黑牽牛一二錢服探吐之內

癃閉宜瀉

實熱癃閉用入正散蓋大便動則小便自
通矣○水道不行其本在腎合用牽牛

澤瀉其末在肺合用葶藶桑皮更以木通滑石佐
之又能透達雖然大便小便脈絡相貫人多患

小便不通但用神保元方見丸三花神祐丸並見
通指○實熱尿閉宜用導水丸

轉脬證

轉脬證候臍下急痛小便不通凡強忍小便或
尿急疾走或飽食忍尿或飽食走馬或忍尿入

房使水氣上逆氣迫於脬故屈戾而不得舒張也
脬落卽俎指△轉脬證候孕婦多有之患在忍縮

小便或醉飽入房使小腸之氣逆而不通大腸之氣與之俱滯外水不得入膀胱內水不得出膀胱淋瀝急數每欲尿時痛不可言大便亦暴急頻併似痢非痢必以手按臍下庶可立出小便甚者因此腹脹浮腫治法用涼藥踈利中腸中熱仍與通泄大腸迨其腹中攪痛大便大下則尿脬隨卽歸正小便自然順流指△胎婦轉脬之病稟受弱者憂悶多者性急躁者食味厚者大率有之古方用滑利疏導藥鮮有應效因思脬爲胎所墮展在一邊脬系了戾不通爾胎若舉起懸在中央脬系得疏水道自行一婦患此診之兩手以瀉重取則絃此得之憂患瀉爲血少氣多弦爲有飲遂以四物湯加參朮半夏陳皮甘草生薑空心煎服隨以指探喉中吐出涼汁埃少頃又與一貼次早亦然如是與八貼而安此法恐偶中後歷數數人皆驗
○轉脬宜二石散加木通車前子等分煎服仍施

陰陽熨法
△轉脬用蒲黃散滑石散葱白湯
○老人脬轉困篤欲死六味地黃丸倍澤瀉服之效

轉宜參朮飲
○孕婦脬

二石散

治脬轉入力目不得尿滑石寒水石葵子各一盞水十盞煎至五盞空心分二服

蒲黃散

治脬轉不得尿蒲黃滑石各等分爲末每二錢雞子清調下

醫鑿

滑石散

治脬轉不得尿寒水石二兩滑石亂髮灰車前子木通各一兩葵子一合右剉水一斗煮

取五升每服一升

日三次卽通效

葱白湯

治小便卒暴不通小腹膨脹氣上衝心悶絕欲死此因驚憂暴怒氣乘膀胱鬱閉而脬系

不正陳皮三兩葵子一兩葱白三莖
右剉水五升煮取二升分三服

得

參朮飲

治孕婦轉脬小便不通四物湯料加人參白朮半夏陳皮甘草各一錢右剉作一貼入生

薑三片大棗二枚水煎空心服服後探吐之澠○

一方葵子梔子炒滑石各五錢木通三錢右剉作

一貼水煎空心服外以葵子梔子滑石爲細末入

田螺肉搗膏或生葱汁調貼臍中立通軀○一孕

婦九月轉脬尿閉脚腫形瘁脉左稍和而右澁此

以飽食氣傷胎系弱不能自舉而下壓膀胱故閉

而不通以人參白朮當歸芍藥陳皮半夏甘草煎

服四貼次早煎渣頓服探吐小便大通皆黑水澠

○一孕婦轉脬脉細氣弱胎壓膀胱下口用補藥

恐加急滿令產婆以香油抹手入產門托起其胎

尿出如注澠○又法將孕婦倒豎起

胎自墜轉其尿注出勝於手托澠

關格證

邪在六腑則陽脉不和陽脉不和則氣留之氣
留之則陽脉盛矣邪在五臟則陰脉不和陰脉

不和則血留之血留之則陰脈盛矣陰氣太盛則陽氣不得相營故曰格陽氣太盛則陰氣不得相營故曰關陰陽俱盛不得相營故曰關格關格者不得盡其命而死矣靈樞○關則不得小便格則吐逆關者甚熱之氣格者甚寒之氣無出曰關無入曰格寒在胃中過絕不入熱在下焦填塞不便靈樞○陰陽易位病名關格寒在胸中水漿不下故曰格熱在丹田小便不通故曰關靈樞○關者不得小便格者吐逆上下俱病也靈樞○內經曰人迎脈大於氣口四倍名曰格氣口脈大於人迎四倍名曰關○兩寸俱盛曰關格其證嘔逆而小便不通者是也靈樞○此證多死寒在上熱在下故也靈樞○大小便不通亦謂之陰陽關格乃三焦約之病也凡大小便不通內經謂之三焦約約者不行也長流水煎入正散服之靈樞○關格者謂膈中覺有所礙欲升不升欲降不降欲食不食此爲氣之橫格也

鑿○關格宜芒硝湯大承氣湯麩靨中虛者補中
益氣湯加檳榔以升降之痰格者枳縮二陳湯

芒硝湯

治關格不通芒硝二兩半滑石三兩冬葵子
炒三合右以滑石葵子爲末取五錢水煎

至半入芒硝一錢
再一沸空心服錄

枳縮二陳湯

治關格上下不通此痰膈中焦也服此
出痰枳實一錢川芎八分縮砂白茯苓

貝母陳皮蘇子瓜蒌仁厚朴梗香附子各七分木
香沉香各五分甘草三分右除二香剉作一貼薑
三片同煎入竹瀝及沉香
木香濃磨水調和服之鑿

關格宜吐瀉

關格必用吐以提其氣之橫格不必在
出痰也有痰者二陳湯麩靨探而吐之

中氣虛而不運者補中益氣湯加木香檳榔以升
降之研○陰陽關格前後不通大便快利則小水

自行_方鉤_入關格死在朝夕但治下焦可愈宜大承
氣湯_方入_門寒_門○一婦人忽吐逆大小便不通煩

亂四肢漸冷無脈與大承氣湯一劑至夜半漸得

大便通脈漸和翌日乃安此關格之病極爲難治

垂死而活只此一人耳_釋△關格忌用淡滲利小

便之藥_賦○一小兒小溲不通號跳旋轉下則成

砂石大便秘肛門脫出一二寸戴人曰此下焦寒

也不吐不下則下焦何以開不令飲水則小溲何

以利以調胃承氣湯一兩加牽牛子頭末三錢河

水煎服又用菰蒂末糊丸芥子許六十九吞下上

吐下瀉一時齊出有膿有血涌泄既定令飲

新水二三十次每次飲一盞其病如失_和

洗熨法

陰陽熨法又名冷熱熨法治脬轉及二便不
通先以冷物熨小腹幾次後以熱物熨如前

數又以冷物熨之自通_賦○治脬轉小便不通生

薑葱白紫蘇葉各一握煎湯密室內熏洗小腹外

腎肛門等處再溫再洗拭乾於綿被仰坐垂脚自
舒其氣次用赤茯苓赤芍藥白芍藥各三錢蜀葵
子一錢半右剉一兩煎水調蘇合香丸方三九
并青鹽末半錢空心溫服卽效○小便難小腹
脹不急治殺人葱白三斤細剉炒熱以柏子包分
兩裹更替熨臍下卽通○又炒鹽半斤囊盛熨
臍下亦通○產後小便不通腹脹如鼓悶亂不
省此由產時尿脬運動不順用鹽填臍中葱白十
餘根細切厚鋪鹽上用大艾炷灸之
覺熱氣直入於腹內卽通神驗○得

掩臍法

轉脬一證諸藥不效失救則死以甘遂末水
調脬臍下內以甘草節煎湯飲之及藥汁至

臍二藥相反脬自轉矣小水來如泉涌此救急之
良方也但二藥須兩人各買各處劑之不可一處
同置爲妙○小便閉大田螺生擣細封臍上卽
通○治小便不通麝香半夏末填臍中上用葱

白田螺二味搗成餅封臍上用布線縛定下用皂

角烟入陰中自通女人用皂角煎湯洗陰戶內翻

○治小便不通通臍法以白磁瓶滿盛水以有字

紙七重密封瓶口於患人臍內用鹽一捻填之倒

置瓶口覆在臍上偃卧如覺冷小便即通類

○治小便癢閉不通宜貼臍膏妨觀通關散

通關散

治小便不通白礬生白鹽各二錢半右研勻以紙圍臍抄藥在內滴冷水藥上即通類

難治不治證

嘔噦而小便不通者難治中滿鼓脹病小便不通為下焦血氣乾者死○老人氣虛短作小便不通者亦難治○關格不通不得

尿頭無汗者可治有汗者死○頭汗內外關格

小便不通此為陽脫不治○凡關格見頭汗者

死○傷寒熱病及風溫狂言直視遺尿者死

○遺尿者尿出不知覺也○膀胱不約為

小便不禁

遺尿者尿出不知覺也○膀胱不約為

水泉者前陰之流注也。納△腎與膀胱俱虛內氣不充故脬中自滑所多出而色白焉。是以遇夜而陰盛愈多。隤○下焦蓄血與虛勞內損則便尿自遺而不知。隤○下焦虛寒不能溫制水液則便尿欲出而不禁。隤○肺氣虛則尿色變卒遺失無度。乙卯○內經曰水之本在腎其末在肺則知天一之水自上而下相爲貫通也。隤○經曰下虛則遺尿。下虛謂膀胱下焦虛也。仲景曰下焦竭則遺尿。失便其氣虛不能自禁制也。又云下焦不歸則遺洩。世用桑螵蛸雞胓脰之類是也。○小便遺失者肺氣虛也宜安卧養氣禁勞役以參芪補之不愈則當責有熱用黃柏生地黃。○小便不禁色赤爲熱色白爲虛。○小便無度或淋瀝不禁乃陰挺痿痺也。六味地黃丸。○去澤瀉加益智仁。○小便不禁屬熱屬虛。○五苓散合解毒湯。○五苓散合四物湯。○加山茱萸五味

○小便不禁屬熱屬虛者五苓散合解毒湯。○五苓散合四物湯。○加山茱萸五味

子研○下虛內損而不禁宜補膀胱陰血瀉火邪
為主加減八味丸六味地黃元加知母黃柏五味
子補陰丸最妙虧覲○虛冷不禁遇夜愈多宜縮
泉元秘元丹老人虛人宜五子元家韭子元參芪
湯產後遺尿宜補脬飲猪脬湯小兒遺尿宜雞腸
散雞胗脰散通用大鬼絲子元茸香元既濟丸○

傷寒遺尿中

暑遺尿

並見

縮泉元

治脬氣不足小便頻數一日百餘次烏藥益
智仁等分爲末酒煮山藥糊和丸梧子大臨

卧鹽湯下

七十九丸

秘元丹

治虛損小便不
禁危急者勦覲

五子元

治小便不禁遇夜愈多頭眩脚弱者人虛人
多有此證大能耗人精液令人卒死鬼絲子

酒製韭子畧炒益智仁茴香炒蛇床子炒各等分
右爲末酒糊和丸梧子大糯米飲下五七十九得

家韭子元

治腎陽衰敗脬冷遺尿不禁家韭子畧炒
六兩鹿茸燎去毛四兩肉蓯蓉酒浸牛膝

酒浸熟地黃當歸酒洗各二兩兔絲子酒製巴戟
各一兩半杜仲炒石斛酒洗乾薑炮桂心各一兩

右爲末酒糊和丸梧子大空

心溫酒或鹽湯下百丸爛

參芪湯

治氣虛遺尿人參黃芪蜜炒白茯苓當歸熟
地黃白朮陳皮各一錢益智仁研八分升麻

肉桂各五分甘草三分右剉作一貼薑二
片棗二枚水煎空心服老人加炮附子翻

補脬飲

治婦人因產傷脬小便不禁或漏濕不乾或
小便不利黃絲絹生者一尺剪碎白牡丹根

皮末二錢無效者白芨末一錢右水一碗同煎至
絹爛如錫空心頓服服時不得作聲作聲無效得

猪脬湯

治婦人因產脬破小便不禁人參白朮各二錢桃仁陳皮黃芪白茯苓川芎當歸各一錢

右剉作一貼入猪脬或羊脬同煎空心服〇一婦人難產因收生者不謹以致尿脬損破得小便淋瀝病遂為廢人予思之肌肉破傷在外者尙可補完脬雖在腹恐亦可治診其脈虛甚試與峻補以此方煎以猪羊脬湯極飢時飲之一月而安蓋是血氣驟長其脬自完恐稍遲亦難成功也

雞腸散

治小兒遺尿不禁多因脬寒或稟受陽氣不足故也雞腸燒牡蠣粉白茯苓桑螵蛸蒸各

五錢

桂龍骨各二錢半右剉每二錢薑三片

棗二枚水煎空心服或為末一錢米飲調服

雞脬散

治小兒遺尿雞脬脰一具雞腸一具燒存性猪脬一箇炙焦右為末一錢酒調下

大兔絲子元

治脬氣虛寒小便不禁兔絲子酒製肉苁蓉酒浸各二兩牡蠣煨五味子附子

炮鹿茸酒炙各一兩桑螵蛸酒炙雞胓脰炙各五錢右爲末酒糊和丸梧子大空心溫酒或鹽湯下

七十丸

茸香元

治虛損遺尿不禁或虛冷尿多雞內金炙七錢半鹿茸酥炙肉菘蓉酒浸當歸酒洗各五

錢龍骨煨牡蠣粉巴戟赤石脂禹餘糧煨醋淬研白薑益智仁乳香各二錢半右爲末糯米糊和丸

梧子大空心鹽湯下七十丸

既濟丸

治脬氣不足有陰火小便不禁兔絲子酒製益智仁炒白茯苓韭子炒肉菘蓉酒洗當歸

熟地黃各五錢黃柏知母並鹽水炒牡蠣粉山茱萸肉酒蒸各三錢五味子一錢右爲末麵糊和丸

梧子大空心鹽湯下百丸

醫金

諸淋證

○淋之爲病小便如粟狀小腹弦急痛引臍中

蓄在下焦故膀胱裏急膏血砂石從小便道出焉

於是欲出不出淋瀝不斷之狀甚者窒塞其間

則令人悶絕矣○大凡小腸有氣則小便脹小

腸有血則小便澀小腸有熱則小便痛痛者爲血

淋不痛者爲尿血敗精結者爲砂石精結散者爲膏

金石結者爲石○最不可用補藥氣得補而愈

脹血得補而愈澀熱得補而愈盛水道不行加之

穀道閉遏未見其能生者也○淋者小便淋瀝

澀痛欲去不去去而又來曰淋○淋皆屬熱間

有冷者由心腎氣鬱小腸膀胱不利或忿怒房勞

忍尿酒肉濕熱下流於肝經挺孔鬱結初則熱

淋血淋久則火爍爲砂石淋如湯鑊煎久而生礮

嗽○腎虛極而淋者當補腎精而利小便不可獨

用利水藥○五淋者膀胱蓄熱也○翻○淋而小

腹脹滿甚者宜瀉腎湯○諸淋皆屬于熱雖有冷淋蓋千百之一也
 滋腎丸百丸以四物湯加甘草稍虎杖根木通桃
 仁滑石木香煎湯吞下兼炙三陰交欲累試累效
 研○淋病不可發汗發汗則便血

淋病有五

一曰勞淋二曰血淋三曰熱淋四曰氣淋五曰石淋

勞淋

苦倦虛損小便不出小腹急痛○勞淋者遇房勞即發痛引氣衝欲痛墜及尻

發宜四物湯○勞傷虛損則慾過傷膀胱之氣虛損滯而成淋宜補中益氣湯
 酌○縱慾強雷不泄
 淫精○縱慾強雷不泄
 滲下而作淋宜益元固真湯

益元固真湯

治縱慾強雷不泄淫精滲下作淋甘草梢二錢山藥澤瀉各一錢半人參白朮

苓蓮藜巴戟升麻益智仁黃栢酒炒
各一錢右剉作一貼水煎空心服

血淋

小便不出時下血疼痛滿急
○遇熱則發甚則

尿血熱結莖痛宜四物湯加知母黃栢澤瀉赤茯苓
○色鮮者心與小腸虛熱導赤散

草加黃芩色如黑豆汁者腎與膀胱火也宜五淋

散○見○血淋宜增味導赤散金黃湯小

薊飲子○死血作淋牛膝膏最妙

增味導赤散

治血淋澀痛生乾地黃木通黃芩車前
子梔子仁川芎赤芍藥甘草各一錢右

剉作一貼薑三片竹葉
十片空心水煎服

金黃湯

治小便出血水道澀痛鬱金瞿麥生乾地黃
車前子滑石芒硝各五錢右爲麤末每取五

錢空心水

煎服類聚

小薊飲子

治下焦結熱尿血淋痛生地黃二錢小薊根滑石通草蒲黃炒藕節竹葉當歸山梔

仁甘草炙各七分右剉作一貼空心水煎服

熱淋

小便熱赤色淋瀝不快臍下急痛鞞○暴淋痛甚尿赤淋瀝宜入正散坊見導赤元坊見○滋腎元

上方見百丸以加梔子導赤散煎水吞下空心○益元散坊見二錢加木香檳榔茴香各一錢為末空

心白湯點服

氣淋

小便澁滯常有餘瀝不盡小腹脹滿宜沉香散通秘散或益元散加木香檳榔茴香為末如上法點

服門入○氣虛而淋八物湯虧覲加黃芪虎杖根黃芩牛膝煎服

沉香散

治氣淋小腹脹滿葵子赤芍藥各七錢半沉香石韋滑石王不留行當歸各五錢陳皮青

皮木香甘草各二錢半右爲末每二錢空心以大麥煎湯調下門入△剉取一兩煎服名沉香飲

通秘散

治氣淋痛不可忍香附子陳皮赤茯苓各等分右剉五錢空心水煎服效

石淋

莖中痛尿不能出內引小腹膨脹急痛尿下砂石令人悶絕韎○莖中痛努力出砂石正○沙淋凝

脂而易散石淋結塊而難消攻療石淋以枳殼散

卽六散煎水吞來復丹疔覲爲妙久服則關絡開

通忽爾大便通泄石塊自小便出隴△益元散

偏主石淋湖△石淋宜石燕丸滑石散鵬砂散

石燕丸

治石淋石燕子燒赤醋淬三次研水飛焙乾滑石石韋瞿麥穗各一兩右爲末糊丸梧子

大空心以瞿麥燈心煎

湯下三五十丸日二綱

滑石散

治沙石淋痛割滑石石膏各五錢石韋瞿麥木通蜀葵子各三錢右爲末每取二錢以葱

白二莖燈心一握蜜二匙煎湯空心調下搗

鵬砂散

治沙石淋急痛鵬砂琥珀赤茯苓蜀葵子陳橘皮各三錢右為末取二錢以葱白二莖麥

門冬二十一粒蜜二匙煎湯空心調下搗

淋病有八

五淋之外又有膏淋沙淋冷淋合為八也

膏淋

尿出如膏熱中澁痛尿△尿濁如膏浮凝如脂儻○膏淋宜鹿角霜丸秋石元海金沙散香兒散△

一少年患膏淋三年藥餌鍼灸無少減戴人見之曰惑蠱之疾也亦曰白淫實由小腹熱非虛也以

藥涌痰三升又瀉積穢數行尋覺病去矣和

鹿角霜丸

治膏淋或黃赤白黯如脂膏狀淋澁作痛鹿角霜白茯苓秋石煉者各等分右為末

麩糊和丸梧子大空
心米飲下五十九丸

秋石元

治濁氣于清精散而成膏淋黃赤白黯如肥
膏油蜜之狀白茯苓一兩桑螵蛸炙鹿角膠

珠秋石各五錢右爲末糕糊和丸
梧子大空心人參湯下五十九丸

海金沙散

治膏淋海金沙滑石各一兩甘草二錢半
右爲末每一錢麥門冬燈心煎湯調下

香兒散

治血淋及沙淋膏淋如條痛如刀割真麝香
五分葱白一根同擣取汁孩兒茶三錢半琥

珀二分半爲末調百沸湯
入葱汁空心同服如神

沙淋

陰莖中有砂澁痛尿不得卒出砂出痛止
便出細砂沉在缸底膀胱陰火煎熬津液凝結輕

則爲砂重則爲石○沙淋宜二
神散魚石散苦杖散琥珀散

二神散 治沙石淋急痛海金沙七錢半滑石五錢右
為末取二錢以木通麥門冬車前草煎湯入

蜜少許
調下

魚石散

治沙石淋莖中作痛石首魚頭中骨五對火
煨為末滑石五錢右為末分二服木通湯調

下砂出盡

乃安

苦杖散

治沙石淋每尿時器中剝剝有聲痛楚不堪
杜牛膝榔櫛細剉每一合醃一水五盞煎耗

其四雷其一去滓以麝香

乳香各少許研調服之

琥珀散

治沙石淋琥珀滑石各二錢木通當歸木香
鬱金篇蓄各一錢右為末每三錢以蘆葦葉

煎湯空心調下無

葦葉則代竹葉

冷淋

必先寒慄小便澀數竅中腫痛呶○亦有挾冷而淋者其證先寒戰而得溲便蓋冷氣與正氣交爭

冷氣勝則寒戰成淋正氣勝則寒戰解而得便尿也指○冷淋宜入味九訪親生附湯木香湯

生附湯

治冷淋小便澀痛增寒凜凜附子生滑石各七分木通半夏製瞿麥各一錢二分右剉作

一貼入生薑七片燈心二十

莖蜜半匙空心水煎服粥

木香湯

治冷淋小便淋澀身體清冷木通木香當歸白芍藥青皮茴香檳榔澤瀉陳皮甘草各七

分肉桂三分右剉作一貼入薑五片空心水煎服搗

諸淋通治

淋證所感不一或因房勞或因忿怒或因醇酒或因厚味蓋房勞者陰虛火動也忿怒者

氣動生火也醇酒厚味者釀成濕熱也積熱既久熱結下焦所以淋瀝作痛初則熱淋血淋久則煎

熬水液稠濁如膏如砂如石也夫散熱利小便只
能治熱淋血淋而已其膏淋沙淋石淋必須開鬱
行氣破血滋陰方可也古方用鬱金琥珀開鬱也
青皮木香行氣也蒲黃牛膝破血也黃栢生地黃
滋陰也東垣治小腹痛用青皮黃栢夫青皮踈肝
黃栢滋腎蓋小腹乃肝腎之部位也○諸淋通
用瀉腎湯鬱金黃連丸三因琥珀散石韋散五淋
散通草湯琥珀散方見二神散上必效散海金
沙散澹寮方五淋散婦人

白茅湯小兒藥毒成淋

瀉腎湯

諸淋小腹脹急甚者宜用此大黃二錢劉蜜
器小浸一宿磁石碎一錢六分石菖蒲生地

黃各一錢玄參細辛各八分芒硝赤茯苓黃芩各
六分甘草四分右劉水二盞煎藥至一盞半入大
黃煎至七分去滓下
芒硝攪勻空心服

鬱金黃連丸

治小腸膀胱積熱或癰閉不通或遺尿不禁或白濁如瘕或膏淋如濃或如梔

子水或如沙石米粒或如粉糊俱熱證也悉主之

滑石白茯苓各四兩黑牽子頭末三兩黃芩大黃

琥珀各二兩鬱金黃連各一兩右為

末水丸梧子大沸湯下五七十九丸

三因琥珀散

治五淋澁痛小便出濃血琥珀海金沙沒藥蒲黃各等分右為細末每三錢空

心以萱草根

煎湯調下

石韋散

治諸淋滑石二錢白朮瞿麥赤芍藥冬葵子石韋木通各一錢當歸王不留行甘草各五

分右為末每二錢空心以小麥煎湯

調下或剉一兩水煎服亦可

五淋散

治五淋赤芍藥山梔仁各二錢當歸赤茯苓各一錢條黃芩甘草各五分右剉作一服空

心水煎
服醫鑿

通草湯

治五淋通草葵子茅根桃膠瞿麥當歸蒲黃滑石王不留行各一錢甘草五分右剉作一

貼入薑五片空

心水煎服醫鑿

必效散

治一切淋當歸生地黃赤茯苓滑石牛膝山梔仁麥門冬枳殼篇蓄木通知母黃柏酒燂

各七分甘草五分右剉作一貼入燈心一團空心水煎服醫鑿

海金沙散

治五淋一服如神當歸酒洗大黃酒浸牛膝酒洗木香雄黃海金沙各五錢右為末

每二錢臨卧好酒調下醫鑿

澹寮五淋散

治五淋梔子仁一錢半赤茯苓赤芍藥各一錢木通滑石甘草各八分竹葉茵

蘼各五分右剉作一貼空心水煎服齠

一方

治諸淋四苓散四錢益元散二錢梔子仁一錢右剉作一貼水煎空心服研

白茅湯

治婦人產後諸淋無問膏石冷熱皆治之白茅根五錢瞿麥白茯苓各二錢半葵子人參

各一錢二分半蒲黃桃膠滑石各七分甘草五分紫貝二箇煨石首魚頭中骨四箇煨右剉分二貼入薑三片燈心二十莖空心水煎服呷或爲末每二錢木通湯調下

小兒藥毒成淋

一年少自初生七箇月患淋病五日七日必一發其發也大痛捫地叫天

水道方行狀如漆如粟者約一盞然後定診其脉輕則嚮重則弦視其形瘦而稍長其色青而蒼量其父必因多服下部藥遺熱在胎畱於子之命門而然遂以紫雪和黃栢細末丸梧子大晒十分乾

而與二百丸作一服經二時又以三百丸作一服
卒以熱湯下以食物壓之又經半日痛大作連腰
腹水道乃行下如漆如粟者一大椀許其病減十
分之八後以陳皮一兩苦黃木通各半兩作一貼
與之又下漆粟者

一合許遂安

赤白濁

小便出赤濁或白濁其狀凝面如油光彩不定
凝脚澄下凝如膏糊或如米泔或如粉糊或如

赤濃皆是濕熱內傷也猶如天氣熱則水渾濁渾
濁之病濕熱明矣△先賢有言夏則土燥而水

濁冬則土堅而水清此其理也水火既濟則土自

堅其流清矣小便白濁蓋脾有虛熱而腎不足土

邪干水也○內經曰水液渾濁皆屬於熱○便

濁之證因脾胃之濕熱下流滲入膀胱故使溲便

或白或赤而渾濁不清也血虛而熱甚者則為赤

濁此心與小腸主病屬火故也氣虛而熱微者則

爲白濁肺與大腸主病屬金故也証○赤白濁皆因脾胃濕熱中焦不清濁氣滲入膀胱爲濁凡○赤者心虛有熱由思慮而得之白者腎虛有寒因嗜慾而致也鑿○小便濁主濕熱有痰有虛赤屬血白屬氣與痢疾帶下同治研○赤白濁肥人多濕痰二陳湯加蒼朮白朮升麻柴胡或星半蛤粉丸瘦人是虛火四物湯加知母黃栢或珍珠粉丸精○思慮勞心宜辰砂妙香散精○金蓮丸房勞傷腎者葶藶分清飲小兒絲子元方○蠟苓元胃氣下陷宜補中益氣湯方○凡便濁必兼服加減珍珠粉丸凡○治法宜燥濕降火兼升舉之二陳湯加二朮升麻柴胡白芍藥研○白濁宜四君子湯方○合五苓散凡○煎服又○秘精元固本元半苓丸導赤湯皆宜○赤濁宜加味清心飲清心蓮子飲凡○赤白濁通用芡實元

精門妙應丸辰砂妙香散神門水火分清飲桑螺
蛸散○赤白濁小腹疼痛不可忍宜作寒治東垣

酒煮當歸丸最
妙方正歸人

星平蛤粉丸

治濕熱白濁蛤粉二兩南星半夏並薑
製蒼朮青黛各一兩布為末薑汁煮神

麴作糊和丸梧子大空
心薑湯下五七十九丸

樗栢丸

治濕熱痰火小便濁黃栢 三兩樗根白皮
麴一兩青黛礬乾薑礬氣各三錢滑石竅蛤

粉獸神麴各五錢右為末神麴糊和
丸梧子大空心白湯下五七十九丸

金蓮丸

治思慮傷心小便赤濁石蓮肉白茯苓龍骨
天門冬麥門冬栢子仁當歸酸棗仁紫石英

遠志乳香龍齒各一兩右為末蜜丸梧子大
硃砂為衣空心溫酒或棗湯下七十九丸

葶藶分清飲

治小便白濁凝脚如糊石菖蒲烏藥益智仁葶藶白茯苓各一錢甘草五分右

剉作一貼空心入鹽一捻水煎服

蒼朮難名丹

治脾精不禁小便漏濁淋瀝不止手足力乏腰背痠疼盡用蒼朮等劑以斂脾

精斂脾謂何精生於穀也蒼朮製四兩茴香炒川練子肉各七錢半川烏炮破故紙炒白茯苓龍骨各一兩右為末酒麵糊和丸梧子大硃砂為衣空心米飲下五七十九

四炒固真丹

治元藏久虛遺精白濁五淋七疝婦人崩帶等證蒼朮一斤剉作四分一分以

茴香青鹽各一兩同炒一分以烏藥川練子各一兩同炒一分以川椒破故紙各一兩同炒一分以酒醋同炒俱以朮黃色為度只取朮為末以煮藥酒醋打糊和丸梧子大空心每取三五丸男子

酒下婦人醋湯下呷○醉飽後色慾不節傷脾損腎脾來尅腎土剋水也小便黃濁其脉脾部洪數腎部微澁其證尿下如梔子汁澄下桶底如石灰脚或如血點凝結在內法當補養脾胃宜此藥鑿

蠟苓丸

一名威喜元治腎有邪濕精氣不固小便白濁淋瀝不止及婦人白淫白帶小便如泔等

證雪白茯苓四兩剉以猪苓剉二錢半同放於磁器中用水煮二十餘沸去猪苓取出焙爲末將黃蠟四兩熔化和丸彈子大空心細嚼以棗湯徐徐送下以小便清爲度得嗽

加減珍珠粉丸

治赤白濁及白淫通用黃栢性蚌蛤粉各三兩滑石二兩樗根白皮一兩

青黛乾薑炒褐色各五錢右爲末炒神麴打糊和丸梧子大空心溫酒下七十九或百丸○黃栢降陰火除濕熱蛤粉賦補腎滑石利竅樗根白皮大燥濕熱青黛解鬱降火乾薑斂肺氣下降生陰血

鹽製炒微
黑用之

秘精元

治下虛脬寒小便白濁牡蠣煨兔絲子酒製
龍骨生五味子韭子炒白茯苓白石脂煨桑

螵蛸酒炙各等分右為細末酒糊和勻丸如梧
子大空心鹽湯下七九十九丸胡一名固精元

固本元

治小便濁甘草炙三兩猪苓二兩半蓮花藥
黃連各二兩白茯苓縮砂益智仁半夏薑製

黃栢炒各一兩右為末湯浸蒸餅和
丸梧子大空心溫酒下五七十九丸証

半苓丸

治白濁即精門
猪苓丸也証

導赤湯

治尿如米泔色不過二服愈木通滑石黃栢
赤茯苓生地黃梔子仁甘草梢各一錢枳殼

白朮各五分右剉作
一貼空心水煎服翻

加味清心飲

治心熱小便赤濁蓮肉白茯苓各半錢益智仁麥門冬遠志人參各八分石

菖蒲車前子白朮澤瀉甘草各五分右剉作一貼入燈心二十莖空心水煎服

妙應丸

治赤白濁兔絲子酒製桑螵蛸酒炙川練肉各五錢牡蠣煨三錢龍骨辰砂石菖蒲白茯苓

益智仁蓮肉縮砂各二錢半右為末山藥糊和丸梧子大午間人參酸棗仁湯下五十九臨卧粳

米湯下五十九

雞清元

小便濁通用大半夏生為末以雞子清和丸梧子大稍乾以猪苓夾和慢火同炒丸子裂

為度雷猪苓末養藥收貯器中以白茯苓煎湯空心下三五十九

水火分清飲

治赤白濁赤茯苓一錢益智仁萆薢石菖蒲猪苓車前子澤瀉白朮陳皮枳殼

升麻各七分甘草五分右剉作一貼酒水相半煎空心服

鑿鑿

作

桑螵蛸散

小便白如稠米泔日數十次心神恍惚瘦瘠此以女勞得之也桑螵蛸鹽水拌蒸遠

志薑製石菖蒲鹽炒龍骨人參白茯苓神當歸酒洗
驚甲醋炙各五錢甘草炙二錢半右爲末每二錢
臨卧以人參茯苓桑白皮煎湯調下蓋
桑皮行水接螵蛸歸腎經之意也

蠱病白淫

內經曰脾傳之腎病名曰疝瘕小腹寬熱而痛出白一名曰蠱註曰腎脉貫脊屬腎絡膀胱

故小腹寬熱而痛洩出白液也寬熱內結消蝕
脂肉如虫之蝕曰內損削故云交接漸微也△夫
脾受風邪傳於腎經邪熱內燦故其證小腹寬熱
而痛洩出白液病名曰蠱蓋邪熱內鬱真精不守
故也宜肉苁蓉丸類△內經曰思想無窮所願不
得意淫於外入房太甚宗筋弛縱發爲筋痿及爲

白淫謂白物淋淫如精之狀也宜半苓丸坊見○
戴人曰遺尿閉癢陰痿脬痺精滑白淫皆男子之
疝也血涸不月腰膝上熱足躄陰乾癢閉小腹有
塊或定或移前陰突出後陰痔核皆女子之疝也
但女子不謂之疝
而謂之瘕也和

肉菴蓉丸

治蠱病肉菴蓉白茯苓黃芪澤瀉牡蠣粉
五味子龍骨當歸各一兩右爲末蜜丸梧

子大空心酒
下三十九丸類

脬痺證

內經曰脬痺者小腹膀胱按之內痛若沃以湯
澁于小便上爲清涕○夫膀胱者津液之府氣

化則能出今風寒濕邪氣客于脬中則氣不能化
出故脬滿而水道不通也足太陽之經從巔入絡
腦腦氣下灌出於鼻爲涕也關△脬痺卽寒
淋之類也屬風寒濕宜巴戟丸溫腎湯四

巴戟丸

治脬痺小便澀而不通巴戟一兩半桑螵蛸

續斷肉苁蓉酒浸各一兩杜仲炒石斛鹿茸龍骨
兔絲子酒煮五味子山茱萸官桂各三錢右為末

蜜丸梧子大空心

酒下五七十九丸

溫腎湯

治脬痺小便不利赤茯苓白朮澤瀉乾薑炮
各一錢二分半右剉作一貼空心水煎服

莖中疼痛

童兒精未盛而御女老人陰巴痿而思色以
降其精則精不出而內敗莖中痛澀而為淋

八味丸料加車前子牛膝煎服凡若精已竭而
復耗之則大小便道牽疼愈疼則愈欲大小便愈

便則愈疼八味丸功倍附子救之凡此當滋化
源不可誤用知栢淡滲之劑既瀉真陽復損真陰

湯凡肝經氣滯有熱玉莖引脇刺痛宜參苓琥珀
湯凡病淋而莖中痛不可忍六君子湯凡加

知母黃栢滑石石韋琥珀煎服研△莖中痛出白
津小便閉時作痒小柴胡湯覲加梔子澤瀉黃
連炒木通龍膽草赤茯苓煎服兼服六味地黃丸
五方赬為妙翻○小便淋澁莖中作痛屬肝經濕熱
用龍膽瀉肝湯廻赬陰方△精竭不痛莖痒者入
味丸熱盛莖中澁痛導赤散五方赬加梔子大黃門
△莖中痒出白津多因脾土不足不能滋生金水
以致肝經血虛火燥宜補中益氣湯與清心蓮子
飲間服蓋脾胃為肝腎之源心實主之門△陰莖
痛乃厥陰經氣滯兼熱用甘草梢蓋欲緩其氣耳
傳正

參苓琥珀湯

治淋澁莖中痛不可忍川練肉甘草梢
各一錢玄胡索七分人參五分赤茯苓

四分琥珀澤瀉柴胡當歸尾青皮黃栢各三
分右剉作一貼入燈心一團空心水煎服門

一方

治淋莖中痛甘草梢木通各二錢青皮黃栢
澤瀉各一錢右剉作一貼空心水煎服

交腸證

婦人小便中出大便名交腸證服五苓散效如
未愈舊幘頭燒灰酒調服之

後小便出尿此陰陽失於傳送名為大小腸交也
先服五苓散麩二劑又用補中益氣湯而愈

○一婦人性嗜酒常痛飲不醉忽糟粕出前竅溲
尿出後竅六脉皆沉澁與四物湯加海金沙木香

檳榔木通桃仁服之而愈此人酒多氣升不降陽
極虛又酒濕積久生熱煎熬其血陰亦太虛陰陽

俱虛而暫時活者以其形實酒中穀
氣尚在故也三月後必死果然

小便多寡

老人與壯年飲水無異多寡壯年小便甚少
而老者小便甚多何也曰壯者如春夏之氣

升者多而降者少老者如秋冬之
氣降者多而升者少故不同耳

飲後卽小便

內經曰飲入於胃游溢精氣上輸於脾脾氣散精上歸於肺病人飲入胃遽覺至臍

下便欲小便由精氣不輸於脾不歸於肺故心火上攻使口燥咽乾宜補中益氣湯堦○靈樞曰人飲酒酒入胃穀未熟而小便獨先下何也蓋酒者熟穀之液其氣悍以清故後穀而入先穀而液出焉

單方

凡四十八種有透膈散牛膝膏

滑石

能利竅以通水道爲至燥之劑湯○利小便治淋澁多單使滑石卽益元散勸覲是也韃

硝石

治五淋及小便不通雪白硝石細研每二錢勞淋葵子湯下血淋熟淋並冷水調下氣淋木通

湯下石淋隔紙炒溫水調下小便不通小麥煎湯下並空心服名曰透膈散諸藥無效服此立效韃

海金沙

通利小腸治沙淋尿管閉每取一兩入臘茶末五錢和勻以生薑甘草煎湯調三錢服本草

浮石

治沙淋澁痛右爲末取一錢空心以甘草湯調下槌

淋石

患石淋人尿中出小石也土石淋水磨服之當得碎石隨尿出也出時收貯用之槌

甘草梢

味淡者主莖中刺痛同木通空心煎服湯△治尿管澁痛取味淡不甘者用之

萆薢

治夜多小便或遺尿又治尿數日夜無度剉水煎服或爲末酒糊丸空心鹽湯下七十九藥

牛膝

療老人遺尿△小便澁莖中痛欲死酒煎空心服韃△牛膝膏治死血作淋最妙牛膝一兩剉

水五盞煎至一盞入麝香少許

心丹

車前草

利小便通五淋及癰閉不通採根葉擣取汁一盞入蜜一匙調服一沙石淋取汁寒水石

末調服血淋取汁單服空心車前
子與根葉同功煎服末服並佳

澤瀉

治五淋止小便澁數△去脬中雷垢止小便淋瀝以味鹹能泄伏水去脬中久陳積物也煎服

末服並佳

地膚草

利小便又主小便不通取汁服即通有迴生起死之功△子與莖葉同功水煎服之

木通

治五淋開關格又主小便數急痛剉煎空心服△通草同功

瞿麥

主五淋及諸癥閉關格水煎服之△治石淋瞿麥子爲末酒服一錢石即下

黃芩

治五淋又治熱淋血淋水煎服

益智仁

主小便頻數不禁又止滑數入鹽水煎服或丸服亦佳

酸漿草

治諸淋澀痛利水道擣取汁一合酒一合空心服立通

石韋

治五淋癰閉及脬囊結熱不通利水道水煎服之

牽牛子

主癰閉小便不通利水道取頭末二錢以木通梔子煎湯調下

燈心草

主五淋能利水道空心水煎服之

篇蓄

治五淋及小便不通生水邊開紫花篇蓄根擣取汁一盞空心服即通

葦草

主五淋利小便擣汁服或水煎服一盞即愈

萱草根

治小便澀痛下沙石淋取根擣汁空心服

榆白皮

治五淋又主石淋水煎空心服滑能利竅也

茯苓

治五淋主小便不通利水道煎服末服並佳

琥珀

通五淋又治諸般沙石淋能利小便為末二錢空心以葱白煎湯調下一服立效

虎杖根

通五淋利小便剉取一兩水煎入麝香乳香末各少許調服空心即效俗名杜牛膝

梔子

通五淋利小便又治血滯小便不利熱淋血淋尤效△梔子實非利小便乃清肺也肺氣清而

膀胱得此氣能化而出尿也

猪苓

利小便通水道剉煎服之無若此

山茱萸

止小便滑數又療老人尿不節煎服丸服並佳

桑螵蛸

止小便滑數療遺尿治白濁酒蒸為末薑湯下二錢妙



牡蠣粉

止小便滑利或丸服或末服草

石首魚頭中骨

主石淋火煨爲末空心和水服一錢草

石龍子

主五淋利水道下石淋取一枚火炙爲末空心和水服草

蚯蚓汁

療小便不通空心服半碗立通草

螻蛄

下石淋下水道取七枚鹽二兩新瓦上拌焙爲末溫酒調一錢服卽愈草△治小便不通諸藥

無效取活者一枚生研入麝香少許新汲水調下空心立通類

桃膠

破石淋取如棗子許夏冷水冬溫水空心和服日三石當下草

獼猴桃

下石淋取熱者食之△藤中汁至滑下石淋取汁和薑汁少許服之草

冬葵子

治五淋利小便
利小便並水煮空心服之
韎本

冬瓜

治五淋利小便
取汁飲一盞
韎本

紅蜀葵根莖

治淋利小便花與子
亦同功水煎服之
韎本

亂髮灰

主五淋又療轉脬小便不通
取髮灰末二錢醋湯調服
○血淋取灰二錢以白茅根車

前草煎湯調下
○髮灰補陰之功甚捷
研

人爪甲

治轉脬尿閉自取爪
甲燒灰和水服
韎本

猪膽

主小便不通取膽納熱酒中調服
韎本
○小便閉澁生猪膽籠住莖頭少頃汁入尿自出
婦人以

汁滴入陰戶
中必通
類

猪脬

治遺尿洗炙熟空
心溫酒嚼下

羊肚

主小便數取肥肚作羹食之
鞣○治遺尿羊肚
系盛水滿線縛兩頭煮熟取中水頓服差鞣

牛尿

利小便療小便不通
取熱雄牛尿飲之鞣

雞腸

主遺尿小便不禁取烏雄雞腸治如食法作臠
溫酒和服○或燒為末溫酒調服一錢妙鞣

雄雞胫裹黃皮

主遺尿及小便滑數不禁取燒灰
每二錢溫酒調下男用雌女用雄

并腸燒服

尤良鞣

鍼灸法

癰閉取陰躄
○小便利閉關元
○石淋取關元氣

陰谷陰陵泉氣海太谿陰交
○石淋取關元氣
門大敦竦○血淋取氣海關元
○熱淋陰陵泉

關元氣衝竦○小便滑數中極炙腎愈陰陵泉氣
海陰谷三陰交關○遺尿不禁取陰陵泉陽陵泉
大敦曲骨竦○莖中痛行間核壯又取中極太谿
三陰交復泄蠶○白濁腎俞炙又取章門曲泉關
元三陰交關○婦人轉脬不得尿取曲
骨關元坤○婦人陰中痛取陰陵泉坤

東醫寶鑑內景篇卷四上終

東醫寶鑑內景篇卷四下

東醫忠勤貞亮扈

聖功臣

崇祿大夫陽平君

臣

許浚奉

教撰

大便

大便原委

難經曰大腸小腸會爲闌門蓋胃中水穀腐熟自胃下口傳入於小腸上口自小腸下口

泌別清濁水液入膀胱爲溲尿滓穢入大腸爲大便由闌門而分別關闌分隔故名爲闌門也
內經曰大腸者傳導之官化物出焉註曰化物謂大便也

大便病因

狃賊風虛邪者陽受之食飲不節起居不時者陰受之陽受之則入六腑陰受之則入五

臟入六腑則身熱不時臥上爲喘呼入五臟則瞑滿閉塞下爲殮泄久爲腸癖癰癩○春傷於

風夏必殮泄。○春傷於風邪氣留連乃爲洞泄。○久風入中則爲腸風殮泄。○清氣在下則生殮泄。○濕勝則濡泄。註曰濕勝則內攻於脾胃脾胃受濕則水穀不分故大腸傳導而注瀉也。○倉廩不藏者是門戶不要也。註曰是大腸之門戶不得斂也。○大腸有寒則多驚澹有熱則便腸垢。○腸垢者腸間積汁垢膩也。亦曰滯下。言濕之滯於腸中故謂之滯下。○痢因有二一者暑日煩渴恣食生冷二者夜卧失被風濕外侵二者皆令水穀不化鬱而生熱熱與濕合傷氣分則成白痢傷血分則成赤痢氣血俱傷則成赤白痢。○古人云無積不成痢皆由暑月多食生冷不能剋化飲食積滯而成痢也。顯。

辨便色

腸中寒則腸鳴飧泄腸中熱則出黃如糜。○瀉白爲寒青黃紅赤黑皆爲熱也或以痢色青

爲寒者誤也傷寒少陰病下痢純青水者熱在裏也小兒急驚痢色多青爲熱明矣痢色黃者脾熱也痢色紅者爲熱心火之色或赤者熱之甚也色黑者由火熱亢極則反兼水化故色黑也嘔○血寒則凝痢色必紫黑成塊或雜膿血蓋膿爲陳積已血爲新積也嘔○濕多成五泄如水傾下嘔○熱痢紫黑色寒痢白如鴨溏濕痢下如黑豆汁風痢純下青水氣痢狀如蟹渤積痢色黃或如魚腦

虛痢色白如鼻涕凍膠

蠱瘧痢黑如雞肝嘔

脉法

泄瀉脉緩時小結者生浮大數者死嘔○病泄脉洪而大爲逆○泄而脫血脉實者難治○泄

瀉脉多沉傷風則浮傷寒則沉細傷暑則沉微傷

濕則沉緩○瀉脉自沉沉遲寒侵沉數火熱沉

虛滑脫暑濕緩弱多在夏月翻○腸澼下膿血脉

沉小留連者生數疾且大有熱者死○下痢脉

微弱數者爲欲自止雖發熱不死。下痢脈大者爲未止。下痢胃十餘行脈反實者死。下痢宜微小不宜洪大。下痢微小却爲生脈。大浮洪無差日。無積不痢。脈宜滑大浮弦急。死沉細無害。凡痢身涼脈細者生身熱脈大者死。下痢脈微小吉浮洪者難治。閉結脾脈沉數下連於尺爲陽結二尺脈虛或沉結而遲爲陰結右尺脈浮爲風結。燥結之脈沉伏勿疑熱結沉數虛結沉遲若是風燥右尺浮肥翻。老人虛人閉結脈雀啄者不治。

泄證有五

有胃泄脾泄大腸泄小腸泄大瘕泄。胃泄者飲食不化色黃宜胃風湯。脾泄者腹脹

滿泄注食則吐逆宜胃苓湯。大腸泄者食已窘迫大便色白腸鳴切痛宜五苓散。小腸泄者溲澁而便膿血小腹痛宜芍藥湯。大瘕泄者裏急後重數至圍而不能便莖中痛宜大黃湯。

胃風湯

治腸胃濕毒腹痛泄瀉下如黑豆汁或下瘀血人參白朮赤茯苓當歸川芎白芍藥桂皮

甘草各一錢右剉作一貼入粟米一撮水煎服

胃苓湯

治脾胃濕盛泄瀉腹痛水穀不化蒼朮厚朴陳皮猪苓澤瀉白朮赤茯苓白芍藥各一錢

肉桂甘草各五分右剉作一貼入薑三片棗二枚水煎服

泄瀉諸證

有濕泄濡泄風泄寒泄暑泄火泄熱泄虛泄滑泄飧泄酒泄痰泄食積泄脾泄腎泄脾腎

泄濃泄暴泄洞泄久泄○凡泄皆兼濕初宜分利中焦滲利下焦久則升舉必滑脫不禁然後用瀉

藥止之○治泄補虛不可純用甘溫太甘則生濕清熱亦不可太苦苦則傷脾惟淡劑利竅甚

妙○治瀉之法先當分利水穀車前子煎湯調五苓散○治瀉之法先當分利水穀車前子煎湯調

理中治不效然後方可斷下固腸丸是也。疇○治瀉須先中焦理中湯丸是也。次分利水穀五苓散是也。治中不效然後斷下赤石脂禹餘糧湯。寒方○治泄瀉諸藥多作丸子服之。慳○凡泄瀉小便清白不澁爲寒。赤澁爲熱。癩○手足寒爲冷。證手足溫爲熱。證。慳○大便完穀不化而色不變。吐利腥穢。小便清白不澁。身冷不渴。脉微細而遲者。皆寒證也。凡穀肉消化無問色及他證。便斷爲熱。夫寒泄而穀消化者。未之有也。癩○或火性急速。傳化失常。完穀不化而爲飧泄者。亦有之。仲景曰。邪熱不殺穀。然熱得濕則爲飧泄也。癩○暴瀉非陽久瀉。非陰。幾○通治用三白湯。燥濕湯。益元散。財

暑門

固腸丸

治泄痢日久滑數瘦弱以此澁之。龍骨附子炮枯白礬訶子皮各一兩。丁香良薑赤石脂。

白豆蔻縮砂各五錢木香三錢右爲末
醋糊和丸梧子大粟米飲下三十九門

三白湯

治一切泄瀉白朮白茯苓芍藥各一錢半
甘草炙五分右剉作一貼水煎服○三白泄

瀉之要藥也門

燥濕湯

治諸泄瀉白朮二錢白茯苓芍藥炒各一錢半陳皮一錢甘草炙五分右剉作一貼水

煎服臆○此三白湯加陳皮一味也○一名朮苓芍藥湯

濕泄

卽濡泄也亦名洞泄其證如水傾下腸鳴身重腹不痛門○左傳曰兩潏腹疾是也○寒濕傷於脾

胃不能腐熟水穀故洞泄如水謂之濡泄胃苓湯加草豆蔻主之關○濕瀉身痛五苓散加羌活蒼

朮齋○水穀不化清濁不分是濕泄也翻○凡瀉水腹不痛是濕泄宜麴芍丸轉○大渴引飲因致

水穀一時併下宜五苓散○洞泄實瀉濕湯衛生湯萬病五苓散

麴芎丸

治風濕滑泄神麴芎藭白朮附子炮各等分右爲末麴糊和丸梧子大空心米飲下三五

十九○左傳云麥麴芎藭能除濕若脾濕而泄者萬無不中亦治飧泄

瀉濕湯

治洞泄白朮炒三錢白芍藥炒二錢陳皮炒一錢半防風一錢升麻五分右剉作一貼水

煎服之○此劉草窓治洞泄要方也

衛生湯

治洞瀉人參白朮白茯苓山藥陳皮薏苡仁澤瀉各一錢黃連甘草各五分右剉作一貼

空心水

煎服

萬病五苓散

治濕泄瀉水多而腹不痛腹響雷鳴脉細赤茯苓白朮猪苓澤瀉山藥陳皮蒼

木縮砂炒肉豆蔻煨訶子煨各八分桂皮甘草各五分右剉作一貼入薑二片梅一個燈心一團空

心水煎服之

風泄

惡風自汗或帶清血由春傷風夏感濕而發動故其瀉暴

△瀉而便帶清血宜胃風湯翻○風邪

內縮宜桂枝麻黃湯汗之方觀門

寒泄

惡寒身重腹脹切痛雷鳴鴨澹清冷完穀不化宜理中湯加赤茯苓厚朴或治中湯翻加縮砂

○協寒自利不渴曰鴨澹亦曰鴛澹所下清白如

鴨屎狀也翻○寒泄一名鴛澹大便如水宜附子

溫中湯或平胃散翻合理中湯翻○寒泄宜四

柱散六柱散○寒泄須早晚服藥蓋平朝服煖藥

到夜藥力已盡無以敵一夜陰氣

所以無效故臨卧再服可也研

附子温中湯

治中寒腹痛泄瀉水穀不化附子炮乾薑炮各一錢半人參白朮白茯苓白芍

藥甘草炙各一錢厚朴草豆蔻煨陳皮

各六分右剉作一貼水煎空心服

四柱散

治元臟虛冷臍腹冷痛大便滑泄耳鳴頭暈木香白茯苓人參附子炮各一錢二分半右

剉作一貼入薑三片棗二枚

鹽少許水煎空心温服

六柱散

治元藏虛冷臍腹痛泄瀉不止四柱散本方加訶子肉豆蔻等分剉水煎服

暑泄

煩渴尿赤暴瀉如水宜藿苓湯加白芍藥車前子或桂苓甘露飲

渴自汗香薷散靛合異功散劫觀加白芍藥車前子入陳米炒百粒烏梅一箇燈心一團同煎服

翻○暑泄宜麴朮元清六丸通苓散益元散六和湯清暑益氣湯

薺苓湯

治夏月泄瀉欲成痢澤瀉一錢二分猪苓赤茯苓白朮香薺黃連薑汁炒白朮厚朴製

各一錢甘草三分右剉作一貼水煎服

桂苓甘露飲

治傷暑煩渴泄瀉或霍亂吐瀉滑石二兩赤茯苓澤瀉石膏寒水石甘草各一

兩白朮肉桂猪苓各五錢右為細末每二錢

熱湯冷水任下入蜜少許尤好薑湯尤妙

麴朮丸

治傷暑暴瀉神麴炒蒼朮製各等分右為末麴糊和丸梧子大空心米飲下三五丸

清六丸

治濕熱泄瀉益元散散麴三兩加紅麴半兩炒右為末陳米飯和丸梧子大空心白湯下

五七十

丸心

通苓散

治暑濕泄瀉分水穀解煩熱澤瀉白朮猪苓赤茯苓朮通茵陳瞿麥車前子各一錢右剉

作一貼入燈心一團麥
門冬十粒同煎服

火泄

即熱泄也口乾喜冷痛一陣瀉一陣其來暴速稠
粘宜黃連香薷散

炒取○腹中痛痛一陣瀉一陣所下如湯後重如

滯瀉下赤色小便赤澁煩渴脈數宜萬病四苓散

翻○腹痛瀉水腸鳴痛一陣瀉一陣者

是火四苓散加木通滑石黃芩梔子

萬病四苓散

治熱瀉赤茯苓白朮豬苓澤瀉蒼朮炒
山藥白芍藥炒梔子炒陳皮各一錢甘

草炙五分右剉作一貼入烏

梅一箇燈心一團同煎服

四苓散

即五苓散去肉桂一味也

虛泄

困倦無力遇飲食即瀉或腹不痛四君子湯
加木香縮砂蓮肉陳糯米為末砂糖湯調下空心

八
升陽除濕湯研○飲食入胃卽下注或完穀不化者是虛泄宜
弱宜參苓蓮朮散翻△氣虛泄瀉四君子湯倍白
朮加黃芪升麻柴胡防風以提之而愈齷△虛泄
養元散加味四
君子湯皆佳齷

升陽除濕湯

治氣虛泄瀉不思飲食困弱無力蒼朮
一錢半升麻柴胡羌活防風神麴澤瀉

猪苓各七分陳皮麥芽炒甘草炙各

五分右剉作一貼空心水煎服疎

參苓蓮朮散

治氣虛泄瀉人參白朮白茯苓山藥蓮
子陳皮各一錢縮砂藿香訶子肉豆蔻

乾薑炮甘草炙各五分右剉作一貼
入烏梅一箇燈心一團水煎服翻

養元散

治泄瀉少食糯米一升水浸一宿濾乾慢火
炒極熟爲細末入山藥末一兩胡椒末少許

和勻每日清晨用半盞再入砂糖二匙滾湯調服其味極佳大有滋補或加蓮肉芡仁末尤好鑿

加味四君子湯

治氣虛泄瀉四君子湯加肉豆蔻煨訶子炮各一錢右剉作一貼入薑三

片棗二枚空心水煎服効

滑泄

滑泄不禁瀉久不止大孔如竹筒直出無禁氣陷下者補中益氣湯酌觀加白芍藥訶子肉豆蔻門入

○日夜無度腸胃虛滑不禁脉沉細宜八柱散翻

○滑泄宜固腸丸防見禹餘糧丸木香散實腸散

○大腸滑泄小便精出者宜萬全丸門入

八柱散

治滑泄不禁人參白朮肉豆蔻煨乾薑炒訶子炮附子炮鴛粟殼蜜炒甘草炙各一錢右

剉作一貼薑二片烏梅一箇燈心一團空心水煎服翻

禹餘糧丸

治虛寒滑泄不禁禹餘糧煨赤石脂煨龍骨葦撥訶子炮乾薑炮肉豆蔻煨附子炮

各等分右為末醋糊和丸梧子大空心米飲下七十九丸

木香散

治臟寒滑泄米穀不化上熱下冷口瘡瘦瘁木香破故紙炒各一兩良薑縮砂厚朴各七

錢半赤芍藥陳皮肉桂白朮各五錢吳茱萸胡椒

各二錢半肉豆蔻煨四箇檳榔一箇右為末每三

錢豬肝四兩批開重重糝藥漿水一椀入醋少許

蓋覆煮熟入鹽葱白三莖生薑彈子大同煮水飲

盡空心作一服冷食之初微瀉不妨經年

滑泄與冷痢只一服效渴則飲粥湯

實腸散

治虛冷泄瀉厚朴薑製一錢半肉豆蔻煨訶子炮縮砂研陳皮蒼朮末茯苓各一錢木香

甘草各五分右剉作一貼入

薑三片棗二枚水煎服

萬全丸

治久痢及泄瀉寒滑不禁赤石脂乾薑炮各一兩胡椒五錢右爲末醋糊和丸梧子大空

心米飲下

五七丸

殮泄

殮泄者米穀不化而泄出也。○夕食謂之殮以食之難化者尤重於夕故食不化泄出者謂之殮

泄瀉○內經曰清氣在下則生殮泄註曰清氣陽

氣也陽爲熱熱氣在下則穀不化故爲殮泄也○

又曰久風入中則爲腸風殮泄夫脾胃冲和之氣

以化爲事今清氣下降或風邪久而干胃是木賊

土也故冲和之氣不能化而令物完出謂之殮泄

或飲食太過腸胃受傷亦致米穀不化俗呼爲水

穀痢也加減木香散主之。○殮泄之證奪食則

一日可止夫奪食之理爲胃弱不能剋化食則爲

泄如食不下何以作泄更當以藥如養元散八仙

糕之類滋養元氣候泄漸止少與食胃勝則安矣

噉○噉泄宜防風芍藥湯蒼朮防風湯○人病
噉泄腹中雷鳴泄注米穀不化小便澀滯以桂枝
麻黃湯麩覘加薑棗煎大劑連
進三服汗出終日而即愈

加減木香散

治噉泄水穀痢木香良薑升麻檳榔人
參白朮各二錢半神麴炒二錢肉豆蔻

煨吳茱萸湯洗乾薑炮陳皮縮砂各五分右麤
末每五錢空心水煎服之○亦治腸風噉泄

八仙糕

治脾胃虛損泄瀉不止最益老人小兒枳實
麴炒白朮土炒山藥各四兩山查肉三兩白

茯苓陳皮炒蓮肉各二兩人參一兩右爲末粳米
五升糯米一升半打粉蜜三斤入藥末和勻入甑
蒸熱焙乾取食之
以湯漱口送下

防風芍藥湯

治噉泄身熱脉弦腸痛而渴防風白芍
藥各二錢黃芩一錢右剉水煎服

蒼朮防風湯

治久風為癢泄不飲水而穀完出蒼朮六錢麻黃二錢防風一錢右剉作一貼

入薑七片

水煎服

痰泄

或瀉或不瀉或多或少二陳湯方見痰飲加乾葛白朮神麴實者海青丸虛者六君子湯方見痰飲○痰泄脉沉滑宜萬

病二陳湯方見痰飲

海青丸

治痰積泄瀉海粉一兩青黛三錢黃芩二錢神麴五錢右為末別以神麴作糊和丸梧子

大空心白湯下

二三十丸

萬病二陳湯

治痰濕泄瀉半夏陳皮赤茯苓白朮蒼朮山藥各一錢縮砂厚朴木通車前子

炒甘草炙各五分右剉作一貼入薑

三片烏梅一箇燈心一團水煎服

食積泄

泄而腹痛甚瀉後痛減臭如抱壤雞子噫氣作酸平胃散疔觀加香附縮砂草果山查子麥芽

煎服呷。腹痛甚而瀉瀉後痛減脉弦而滑宜香

砂平胃散疔觀去枳實加白朮白茯苓翻。傷食

積而泄糞白可驗瀉。凡積滯泄瀉腹必耕痛方

泄者是也或肚腹滿按之堅者亦是也宜用神麴

麥芽山查之類以消之研。有停飲食

數日乃瀉名曰瀼泄宜枳朮丸疔觀

酒泄

飲食過傷遂成酒泄骨立不能食但飲一二盃經

年不愈宜香茸丸瀉。患酒泄飲酒後持甚平胃

散加丁香縮砂乾葛麥芽神麴為末空心米飲調

下二錢立愈瀉。傷酒晨起必泄宜理中湯加生

薑乾葛煎水酒蒸黃連丸疔

膈空心吞下二錢為妙研

香茸丸

治酒泄乳香三錢鹿茸燎去毛酥炙黃五錢肉豆蔻一兩每箇切作兩片入乳香在內麴

裹煨麝香二錢另研右為末陳米飯和丸梧子大米飲下五十九丸

脾泄

脾泄者肢體重着中脘有妨面色萎黃肚腹微滿宜用蒼白木厚朴木香乾薑生肉豆蔻輩搗。脾

泄者食後倒飽瀉去即寬脉細宜香砂六君子湯

翻。脾泄多老人腎虛謂之水土同化宜吳茱萸

湯。脾泄久傳腎為腸癖經年不愈者宜調中

健脾丸。脾泄已久大腸不禁此脾氣已脫宜

急澁之用赤石脂肉豆蔻乾薑之類。脾泄宜

服固中丸。老人奉養太過飲食傷脾常常泄

瀉亦是脾泄宜用

山查麴木丸

香砂六君子湯

治脾泄香附子縮砂研厚朴陳皮人

一錢甘草炙五分右剉作一貼

入薑三片烏梅一箇水煎服

吳茱萸湯

治脾泄吳茱萸揀淨每五錢白水煮去滓入鹽少許通口服蓋茱萸能煖膀胱水道

既清大腸自固餘藥雖熱不能分解清濁也

調中健脾丸

治脾腎氣虛早晚澹泄白朮破故紙炒訶子炮肉豆蔻煨各一兩赤茯苓陳皮

各八錢黃連以吳茱萸煎水炒過七錢神麴六錢木香厚朴茴香炒縮砂山藥蓮子各五錢右為末

粥丸梧子大空心以蓮子煎湯下七十九丸

固中丸

治脾久泄蒼朮肉豆蔻煨各一兩右為末粥丸梧子大空心米飲下五七十九丸○若加破

故紙炒一兩名曰固

下丸治腎久泄

山查麴朮丸

治老人奉養太過飲食傷脾常常泄瀉白朮炒二兩神麴炒山查肉炒各一兩

腎泄

半黃芩炒白芍藥酒炒半夏薑製各五錢右爲末以青荷葉裹燒飯和丸梧子大白湯下五十九丸一名晨泄一名瀼泄每五更溲泄一次此腎虛感陰氣而然宜五味子散每日常五更初洞泄服他藥無效此名脾腎泄宜二神丸四神丸人脾腎虛泄宜猪臟丸呶。腎虛色慾所傷多足冷久則肉削五鼓臍下絞病或只微響溲泄一次宜二神丸四神丸五味子散呶。腎泄者腹痛無定處似痢骨弱面鰲腳下時冷尺脉虛弱者是也當以破故紙生乾薑肉桂木香當歸主之髓。脾腎虛晨泄宜三神丸調中健脾丸六神湯香薑散木香散

五味子散

治腎泄每於五更天明洞泄一次謂之晨泄五味子二兩吳茱萸五錢右並炒香爲

細末每二錢空心米飲調下麩

二神丸

治脾腎虛泄破故紙炒四兩肉豆蔻生二兩
右為末肥棗四十九枚生薑四兩切片同煮

爛去薑取棗肉入藥末和勻丸如梧子大
空心鹽湯下三五十九粒。一方豆蔻煨

四神湯

治脾腎虛泄痢又治晨泄經年者破故紙酒
浸炒四兩肉豆蔻煨五味子炒各二兩吳茱

萸湯泡炒一兩右為末生薑切八兩大棗百枚
同煮爛去薑取棗和丸梧子大服如上法翻

豬臟丸

治老人脾腎虛泄瀉吳茱萸不以多少鹽水
浸透豬藏頭一截去脂膜洗淨入茱萸於

臟中兩頭扎定蒸爛擣千杵丸如梧子大米飲
下五十丸煖膀胱固大腸進飲食清水道

三神丸

治脾腎虛泄瀉即二神丸一精加木香一兩
劑法服法同本方作。孫真人云補腎不若

補脾許學士云補脾不若補腎蓋腎氣怯弱則真
陽衰虛不能上蒸脾土脾胃虛寒則遲於運化飲

食不進或虛脹或嘔吐或泄瀉譬如釜鼎之中盛諸米穀若無火力雖終日不熟其何能化乎用破故紙則補腎用肉豆蔻則補脾二藥雖兼補脾腎但無幹旋若加木香以順其氣使之幹旋空虛倉廩倉廩空虛則受

物累用見效

六神湯

治脾腎俱虛泄瀉肉豆蔻煨破故紙炒白朮白茯苓各一錢半木香甘草炙各七分右剉

作一貼入薑三片棗二枚空心水煎服○得效方名木香散

香薑散

治晨泄生薑四兩切如豆大黃連二兩剉右同淹一宿慢火炒薑紫色去薑不用將黃連

爲末每二錢茶清調服一劑而愈若欲速效一料分作四服

木香散

治脾腎泄肉豆蔻破故紙白朮白茯苓各一錢半木香甘草各七分右剉作一貼入薑三

棗二水
煎服

暴泄

太陽傳太陰下痢爲鶩溏大腸不能禁固卒然而下大便如水其中有小結糞硬物欲起而又下欲

了而不了小便多清此寒也宜溫之理中湯勸大漿水散錫○有暴下無聲身冷自汗小便清利大

便不禁氣難布息脈微嘔吐此爲寒泄急以重藥溫之宜漿水散錫○暴泄宜漿水散朝真丹

漿水散

治暴泄一身冷汗脈沉弱氣少不能語甚者加吐此爲緊病半夏製二兩乾薑炮肉桂附

子炮甘草炙各五錢良薑二錢半右爲麈末每服五錢水二盞煎至一盞空心熱服錫

朝真丹

治寒盛泄瀉不止腸鳴腹痛手足厥冷脈微弱碗黃生研三兩白礬煨七錢半右爲末水

浸蒸餅和丸梧子大朱砂三錢爲衣米飲下三十九

久泄

厥陰經動下利不止其脉沉遲手足厥逆涕唾膿血此證難治法曰風邪縮於內宜散之用桂枝麻

黃湯勸覲汗之楊○凡久瀉之由多因真陰虛損

元氣下陷遂成久泄若非補中益氣湯防觀四神

丸滋其本源則後必育痞腹脹小便淋澀多致不

起翻○久泄是風邪內縮宜發其汗此證係風邪

縮於內宜麻黃升麻湯以發之散邪於四肢布於

經絡外無其邪則藏氣安矣翻○虛滑久不愈多

傳變爲痢宜厚朴枳實湯○久泄不止用破故

紙肉豆蔻藥則止翻○久泄洞泄屬於肝經木

剋土而成亦是腸澼澼者腸中有積水也秤○久

泄宜參朮健脾丸除濕健脾湯温脾散訶子散○

飲食不節起居不時損其胃氣則上升精微之

氣反下降泄久則太陰傳少陰而爲陽澼瘕

麻黃升麻湯

治風邪內縮久泄不止宜以此發之防觀

厚朴枳實湯

虛滑入不愈多傳變為痢太陰傳少陰是為鬼賊宜以此防其傳變厚朴薑製

訶子皮半生半熟枳實麩炒各二錢木香一錢大

黃六分黃連甘草炙各四分右剉作一貼煎服錄

參朮健脾丸

治久年泄瀉臍腹冷痛以此溫補脾腎蒼木八兩二兩鹽水浸兩米泔浸二

兩醋浸二兩葱白炒人參白朮白茯苓山藥炒破

故紙酒炒枸杞子鬼絲子酒製蓮肉各二兩川練

肉五味子牛膝各一兩半川椒炒茴香鹽炒陳皮

木香遠志各五錢右為末酒糊為丸梧子大空心

鹽湯下

百丸翻

除濕健脾湯

治久瀉色蒼而齒疎怠倦食減白朮一錢半蒼朮炒白茯苓白芍藥炒各一錢

當歸陳皮各八分猪苓澤瀉各七分厚朴防風各

六分升麻柴胡各五分甘草四分右剉作一貼入

薑三片棗二枚

空心水煎服翻

溫脾散

治久瀉米穀不化水穀入口卽時直下元虛冷滑脫黃芪蜜炒人參白朮土炒白茯苓

山藥炒乾薑炮訶子炮肉豆蔻煨鷲粟殼蜜炒草果丁香肉桂附子炮黃蓮薑汁炒縮砂陳皮厚朴甘草各五分右剉作一貼入

薑三片棗二枚水煎服翻

訶子散

治久泄不止訶子皮一兩半生半熟木香五錢黃連三錢甘草二錢右爲末每取二錢以

白朮白芍藥

煎湯調下命保

泄瀉宜用升陽之藥

暑月霖雨時人多病泄瀉乃濕多成五泄故也內經曰在下者引而

竭之又曰治濕不利小便非其治也法當以淡滲之劑利之然客邪寒濕之勝外入裏而甚暴若

皮利小便之藥則是降之又降復益其陰而重竭其陽也茲以升陽之藥是為宜耳羌活獨活升麻各一錢半防風甘草炙各一錢右剉水煎服即愈大法曰寒濕之勝助風以平之又曰下者舉之正謂此也

瀉與痢不同

泄瀉之證水穀或化或不化並無努責惟覺困倦若滯下則不然或膿或血或膿血

相雜或腸垢或無糟粕或糟粕相雜雖有痛不痛之異而皆裏急後重逼迫惱人赤白交下為異

久泄成痢

太陰經受濕而為水泄虛滑身重微滿不知穀味久則傳變而為膿血痢。夫痢者皆

由榮衛不和腸胃虛弱冷熱之氣乘虛客於腸胃之間泄而為痢也。飲食不節起居不時損其胃氣則上乘精微之氣反下降是為殮泄久則太陰傳少陰而為腸澼

痢疾諸證

滯下之證內經所載有血溢血泄血便注下古方則有清膿血及泄下近世並呼為痢疾

其實一也

痢有赤痢白痢赤白痢水穀痢膿

血痢噤口痢休息痢風痢寒痢濕痢濕痢氣痢虛

痢滑痢積痢久痢疫

痢蠱疰痢五色痢

赤痢

赤痢自小腸來濕熱為本
下痢赤積身熱益元散
勸隗加木通芍藥炒陳皮

白木煎湯吞下保和丸
勸隗赤痢宜導赤地

榆湯加減平胃散地榆散固腸丸
清六丸坊見

導赤地榆湯

治赤痢及血痢地榆當歸身酒洗各一錢半赤芍藥炒黃連酒炒黃芩酒炒槐

花炒各一錢阿膠珠荊芥穗各八分甘

草炙五分右剉作一貼空心水煎服

加減平胃散

治血痢赤痢夫脾胃虛則血不流於四肢却入於胃而為血痢白木厚朴陳皮

各一錢二分桃仁人參黃連阿膠珠赤茯苓各七分甘草九分木香檳榔各五分右剉作一貼入薑

三片棗二枚空

心水煎服

地榆散

治血痢赤痢地榆赤芍藥黃連青皮各等分右爲末每三錢空心以淡米飲調下

固腸丸

治血痢赤痢去腸胃陳積之後用此以燥下濕樗根白皮焙乾爲末粥丸梧子大空心米

飲下二三十九此藥性涼而燥須少用

一方樗根白皮四兩滑石二兩爲末粥丸

白痢

白痢屬氣自大腸來濕熱爲本。痢爲濕熱甚於腸胃怫鬱而成其病皆熱證也俗以痢白爲寒

誤也如熱生瘡癰而出白膿可以白爲寒乎若以

白爲寒赤爲熱則兼赤白者乃寒熱俱甚於腸胃

之間而爲病乎况下迫窘痛小便赤澀而痢白者

亦多有之爲熱明矣。凡泄痢無已變作白膿

點滴而下為之溫脾不愈法當溫腎蓋腎主骨髓
 白膿者骨髓之異名也其證面色微黑骨力羸弱
 的見腎虛當用破故紙當歸木香乾薑肉桂之屬
 補。白痢宜益元散黠覲溫六丸水煮木香元瀉
 白安
 胃飲

溫六丸 治白痢益元散一劑加乾薑一兩右為
 末飯丸梧子大白湯下五七十九丸

水煮木香元 治白痢及淡紅痢乾薑二兩鴛粟殼一
 兩訶子肉三錢當歸白芍藥各二錢半

木香青皮陳皮甘草各一錢半右為
 末蜜丸彈子大熟水化下一丸

瀉白安胃飲 治白痢蒼朮炒白芍藥酒炒蓮肉各一
 錢白朮七分半人參陳皮白茯苓黃芪

蜜炒當歸酒洗各五分木香乾薑炮甘草
 炙各三分右剉作一貼空心水煎服

赤白痢

冷熱不調赤白各半宜薑墨丸乍溏乍澁似痢非痢宜茱連丸。或赤或白冷熱不調宜小

駐車元。赤白痢宜黃連阿膠

元固腸湯真人養藏湯茱連丸

薑墨丸

治赤白痢及蠱症痢乾薑炒松烟墨煨右等分爲末醋煮麩糊和丸梧子大空心米飲下

三五十九丸
日三服

茱連丸

治赤白痢吳茱萸黃連各二兩右以好酒同浸三日乃各揀取焙乾爲末醋糊和丸梧子

大赤痢則黃連丸三十粒以甘草湯吞下白痢則

茱萸丸三十粒以乾薑湯吞下赤白痢則各取三

十粒以甘草乾薑湯

下。一名黃連丸

小駐車元

治赤白痢黃連三兩阿膠珠一兩半當歸一兩乾薑五錢右爲末醋糊和丸梧子大

空心米飲下
三五十九門

黃連阿膠元

治赤白痢及熱痢黃連三兩赤茯苓二兩右爲末水調阿膠炒末一兩和丸梧

子大空心米飲
下三五十九門

固腸湯

治赤白痢鶩粟殼醋炒二錢白芍藥一錢半當歸甘草炙各七分半陳皮訶子乾薑各五

分人參木香各三分右剉
作一貼空心水煎服門

真人養臟湯

治赤白痢及諸痢鶩粟殼一錢甘草九分白芍藥八分木香七分訶子六分肉

桂人參當歸白朮肉豆蔻各三分
右剉作一貼空心水煎溫服門

水穀痢

脾胃氣虛則不能消化水穀糟粕不聚變而爲水穀痢門。殮泄亦曰水穀痢宜參看

膿血痢

如煩燥或先便膿後見血非黃連不止此上部血也。如惡寒脉沉或腰痛臍下痛非黃芩不

除此中部血也。如惡寒脉沉先見血後便膿非

地榆不除此下部血也。錫。膿血稠粘裏急後重

皆屬於火內經曰洩澁而便膿血知氣行而血止

也蓋洩澁而便膿血者言病因也氣行而血止者

言治法也故曰行血則便膿自愈調氣則後重自

除芍藥湯主之。錫。洩澁而便膿血宜大黃湯下

之是謂重劑黃芩芍藥湯和之是謂輕劑。錫。膿

血稠粘皆屬於火夫太陰濕主瀉少陰主痢是先

泄亡津液而火就燥腎惡燥居下焦血分其受邪

者故便膿血所謂瀉屬脾而痢屬腎也。熱積

紫黑色者瘀血也腹痛後重異常桃仁承氣湯助

下之要知諸痢皆血瘀惟黑為瘀甚耳。膿

血痢宜桃花湯。寒方。導氣湯黃連阿膠湯導滯湯

地榆散解毒金花散芍藥栢皮丸赤石脂丸人參

散

芍藥湯

治痢溲澁而便膿血令行血則血膿自愈調氣則後重自除此藥是也白芍藥二錢黃連

條芩當歸尾各一錢大黃七分木香檳榔

桂心甘草各五分右剉作一貼水煎服湯

大黃湯

治熱痢膿血稠粘裏急後重日夜無度大黃一兩剉好酒二盞浸半日煎至一盞半去渣

分二次頻服以利為度又服芍藥湯以和之此滌蕩邪熱之劑也酒煎者欲上至頭頂外徹皮毛也湯

黃芩芍藥湯

治下痢膿血身熱腹痛脉洪數黃芩白芍藥各二錢甘草一錢右剉作一貼水

煎服腹痛甚加桂心三分分研一名黃芩湯

導氣湯

治下痢膿血裏急後重當歸二錢半大黃黃芩白芍藥各一錢黃連木香檳榔各五分右

剉作一貼
水煎服

黃連阿膠湯

治熱毒下痢膿血或如爛肉汁黃連阿膠珠黃栢梔子各一錢二分半右剉作

一貼水
煎服

導滯湯

治下痢膿血裏急後重腹痛作渴日夜無度白芍藥二錢當歸黃芩黃連各一錢大黃七

分桂心木香檳榔甘草各三分
右剉作一貼空心水煎服

地榆散

治熱毒下痢膿血地榆犀角黃連炒葛根黃芩各一錢梔子五分右剉作一貼入薤白五

莖同煎
服

解毒金花散

治熱毒膿血痢黃連黃栢各二錢白朮黃芩赤茯苓芍藥各一錢右剉作一

貼水煎服

芍藥栢皮丸

治濕熱惡痢下膿血白芍藥黃栢皮各一兩當歸黃連各五錢右爲末水丸小

豆大溫水下三四十九丸

赤石脂丸

治下痢膿血腹痛赤石脂乾薑各一兩黃連當歸各二兩右爲末蜜丸梧子大米飲

下三五十丸空心服

人參散

治酒毒挾熱下痢膿血腹痛久不差百藥無效樗根白皮人參各一兩右爲末每二錢空

心米飲調下忌酒麪雞猪魚果菜等物

噤口痢

痢疾不納飲食者俗謂之噤口痢如頭痛心煩手足溫熱此乃毒氣上衝心肺敗毒散寒方見五

錢加蓮肉一錢陳米百粒薑二棗二煎服如過飲苦澁涼藥以致聞食先嘔山藥剉如小豆銀石器

內搗半炒半生共爲末米飲調下卽效噤口

痢胃口熱甚故也宜參連湯卷膈法人不知此多

用溫熱藥及甘味此以火濟火以滯益滯也研

下痢噤口不食亦由脾虛宜以參苓白朮散防

去山藥加石菖蒲爲末粳米飲調下二錢或人參

赤茯苓石蓮子入些菖蒲煎服胃次一開自然思

食髓。凡治痢早用鴛粟殼則令毒氣閉塞心絡

令噤口不食宜以御米煮稀粥溫啜解之類。噤

口痢宜倉廩湯開噤湯

石蓮散解噤丸納膈膏

參連湯

治噤口痢胃口熱甚黃連三錢人參石蓮肉各二錢右剉作一貼水煎取濃汁細細呷之

如吐再喫但得一呷下
咽便開仍用菴臍法翻

菴臍法

引熱令下行因螺二箇入麝香
少許搗爛菴臍中以帛包定研

倉廩湯

治噤口痢心煩手足熱頭痛此乃毒氣上衝
心肺所以嘔而不食人參敗毒散方加黃

連一錢石蓮肉七枚陳倉米三百粒入
薑三片棗二枚同煎服豔亦治熱痢

開噤湯

治噤口痢砂糖七錢細茶五錢縮砂研一錢
生薑五片右剉作一貼水煎露一宿次早面

北温服。外用木鱉子去殼三錢
麝香二分共搗菴臍中即思食翻

石蓮散

治噤口痢石蓮子搗去殼留心併肉研爲末
每二錢陳米飲調下此疾由毒氣上衝心肺

借此以通心氣便覺思食仍以東壁土
炒橘皮爲末入薑棗畧煎服佐之調

解噤丸

治噤口痢黃連八兩劉生薑四兩切同炒令焦去薑只取黃連為末陳米飯和丸梧子大

每服七八十九赤痢陳米飲下白痢橘皮湯下赤白痢陳米橘皮湯下痢

納臍膏

治噤口痢危重者用之立愈王瓜藤連莖葉經霜者曬乾燒灰香油調納臍中即效

休息痢

凡痢乍發乍止者名休息痢。休息痢經年不差以致氣血虛而不斂八物湯。虛覲加陳皮

阿膠珠黃連黃芩各少許脾胃虛者補中益氣湯參苓白朮散。並見兩傷。休息痢宜加味養臟湯

三根飲訶黎勒丸神效丸

加味養臟湯

治休息痢真人養臟湯坊見加附子青皮烏藥茯苓右劉薑三片棗二枚煎服

得效

三根飲

治休息久痢如神五倍木根蒼耳草根臭樗木根刮取白皮各等分右剉每服七錢入生

薑三片大棗二枚黑豆三十六粒

糯米四十九粒空心同煎服飯

訶黎勒丸

治休息痢百藥不效樗根白皮二兩訶子肉五錢母丁香三十粒右為末醋糊和丸

梧子大陳米飲久醋少

許吞下五十九日三轉

神效丸

治休息痢膿血不止疼痛困弱當歸烏梅肉黃連阿膠珠各等分右為末蜜丸梧子大空

心厚朴湯下三五

丸病甚者蠟丸門入

風痢

風痢惡風鼻塞身重色青或注下清水宜蒼朮防風湯方見上。風痢所下似痢非痢似血非血宜

倉廩湯方見上。風痢

宜胃風湯方見上。露宿湯

露宿湯

治風痢純下清血杏仁去皮尖七箇苦木瘡一掌大白柳根烏梅一箇草果一箇酸石榴

皮半箇青皮二箇甘草一寸右剉作一貼

入薑三片煎露星一宿次早空心服粥

寒痢白如鴨澹腸鳴痛墜不甚宜理中湯方見加

寒痢

訶子肉豆蔻日久者黃連補腸湯散寒痢宜赤

石脂

散

黃連補腸湯

治大腸虛冷痢下青白黃連四錢赤茯苓川芎各三錢酸石榴皮五片地榆五

錢伏龍肝二錢右剉入錢

作一貼空心水煎服門

赤石脂散

治冷痢赤白腸滑肉豆蔻煨一兩縮砂五錢赤石脂甘草炙各二錢半右爲末每二

錢粟米飲

調下藥

濕痢

濕痢腹脹身重下如黑豆汁或赤黑渾濁此危證也宜當歸和血散後方加味除濕湯戊巳丸。

下痢如豆汁者濕也蓋脾胃為水穀之海常兼四臟故有五色之相雜當先通利此迎而奪之之義

心丹也

加味除濕湯

治傷濕下痢如黑豆汁半夏厚朴蒼朮各一錢二分藿香陳皮赤茯苓各七分

木香桂皮甘草各五分右剉作一貼薑三片棗二枚空心水煎服心丹

戊巳丸

治濕痢黃連吳茱萸白芍藥各等分右為末麩糊和丸梧子大空心米飲下五七十九丸

熱痢

熱痢與暑痢同。大凡痢疾多因伏暑而得但背寒面垢或面如塗油齒乾煩寃燥渴引飲皆暑證

也不宜輕用附子等熱藥宜酒蒸黃連丸方見血效。其冷熱蘊積腸胃間滑泄垢膩者名腸垢即

熱痢也。類。偏熱純赤見暑證輕者黃芩芍藥湯重者導滯湯日久者黃連阿膠湯。挾熱下痢者身熱口渴小便澀少大便急痛所下黃赤色。○熱痢黃芩芍藥湯最妙。○下痢壯熱須用倉廩湯。○下痢欲飲水有熱故宜白頭翁湯。○仲景門。○熱痢宜烏梅丸寧胃散加當歸。

烏梅丸

治熱痢腹痛下純血黃連一兩半烏梅肉當歸枳殼各一兩右末醋糊和丸米飲下七十

丸空
心痢

寧胃散

治赤白熱痢白芍藥二錢黃芩黃連木香枳殼各一錢半陳皮一錢甘草炙五分右剉作

一貼水煎服一名
芩連芍藥湯

氣痢

氣痢狀如蟹渤拘急獨甚宜
芩連丸
上方見氣痢丸牛乳湯

氣痢丸

治氣痢狀如蟹渤訶子皮橘皮厚朴各一兩
右為末蜜丸梧子大空心米飲下三十九丸

牛乳湯

治氣痢華撥二錢剉牛乳半升右同煎減半
空心服○唐太宗苦氣痢百方不差有衛

七進此方服

之即愈醫

虛痢

氣弱困倦穀食難化腹微痛或大痛並無努責△滑痢與虛痢同虛滑不禁甚則氣血俱脫血虛

四物湯加人參白朮地榆樗白皮氣虛真人養藏
湯△氣虛色白如鼻涕凍膠理中湯加木香肉

桂厚朴赤茯苓△如力倦自覺氣少惡食此為
挾虛症宜用補氣血之藥虛迴而痢自止△痢

疾日久氣血虛弱宜用人物湯△方見內傷
△痢稍久者不可下胃虛故也調中理

氣湯加味香連丸○回春擇用之△久痢五虛證危困
者宜大斷下丸五虛者脉細皮寒氣少泄利前後

飲食不入是也如漿粥入胃泄注止則虛者活矣

調中理氣湯

治虛痢氣弱困倦白朮枳殼白芍藥檳榔各一錢蒼朮陳皮各八分厚朴七分

木香五分右剉作一貼水煎服此治痢調理之劑也

加味香連丸

治虛痢及久痢一切諸痢黃連四兩以吳茱萸煎水浸炒木香一兩啞芙蓉二

錢右爲末陳米糊和丸菜豆大每二三十丸以蓮肉煎湯吞下被蓋就睡奏效神矣

大斷下丸

治久痢滑數消瘦困弱龍骨附子炮白礬枯肉豆蔻煨牡蠣煨訶子皮酸石榴皮各

一兩良薑乾薑赤石脂各七錢半細辛三錢七分半右爲末醋糊和丸梧子大粟米飲下三十九丸

訶子皮散

治虛寒赤白痢脫肛御米殼蜜炒橘皮各五分乾薑炮六分訶子皮七分爲末作

一貼水煎空
心和渣服疎

積痢

積痢色黃或如魚腦漿腹脹痛惡食呾△無積不
成痢黠△痢出於積滯積物積也滯氣滯也物積

欲出氣滯而不與之出所以以下墜裏急乍起乍止
日夜凡百餘度人有此證不論色之赤白脉之大
小一皆以通利行之黠△飲食傷飽者注下酸鼻
諸有積者以肚熱纏痛推之黠△傷積滯則糞白
有效黠○食積痢宜保和丸助
積感應元蘇感元生熟飲子

感應元

治積痢久痢赤白膿血相雜肉豆蔻煨白薑
炮百草霜各二兩木香一兩半葦澄茄三稜

炮丁香各一兩巴豆百粒去皮心膜去油為霜杏
仁百粒去皮尖雙仁麩炒另研酒煮蠟四兩清油
一兩右七味為細末入巴豆杏仁末先將油煎蠟
令溶化拌和藥末成劑每一兩分作十錠每一錠

米調服或作丸菜豆
大白湯吞下十九丸

蘇感元

治積痢腹內緊痛麝香蘇合元氣門四分感
應元六分研勻丸菜豆大米飲下三十九丸

生熟飲子

治大人諸痢及小兒虛積痢日夜無度鴛
栗殼大者四箇去瓢蒂半炙半生陳皮二

片半生半炒甘草二寸半生半炙烏梅二箇半生

半煨大棗二枚半生半煨生薑二塊半生半煨木

香一錢作兩片半生半煨訶子大者二箇半生半

煨黑豆六十粒半生半炒黃芪二寸半生半炙白

朮二塊半生半煨當歸二寸半生半煨右剉和勻

每服五錢水一盞半同入磁瓶內煮至半去滓溫

服小兒服一二合此方分生熟均冷熱冷熱

既散腸胃既厚則水穀自分何患瀉痢哉緒

久痢

藥炒白朮炙甘草陳皮茯苓煎湯下固腸丸三十
痢已減十之七八穢積已盡糟粕未實當以炒芍

粒然此丸性燥若滯氣未盡不可遽用研。久痢體虛氣弱滑泄不止當以訶子肉豆蔻白礬半夏

等藥澁之甚者添牡蠣須以陳皮為佐恐太澁亦

能作疼也研。久痢不止服理中湯益甚此痢在

下焦赤石脂禹餘糧湯主之方見理中者理中焦

用此以固其下焦故也神。久痢宜大斷下元萬

全丸二方真人養藏湯木香散

實腸散加減益氣湯檇白皮散

木香散

治久痢及血痢甘草炙一兩木香黃連各五錢同炒右為末入

麝香少許空心米

飲調下二錢神

加減益氣湯

治久痢疲弱甚不能起床白朮白芍藥陳皮各一錢當歸七分黃芪人參澤瀉

縮砂地榆各五分升麻木香白豆蔻御米穀醋炒甘草炙各三分右剉作一貼空心水煎服

樗白皮散

治久痢諸藥不效樗根白皮一握粳米一合葱白一握甘草一寸豉二合右水一升

煮取半升

頓服

實腸散

治久痢不分赤白用此藥換出黃糞來山藥炒一兩炒黃米一合右爲末用砂糖調熱湯

和勻藥末適稀稠漸服後用清米湯漱口最效

疫痢

一方一家之內上下傳染長幼相似是疫毒痢也當察運氣之相勝以治之

日疫痢人參敗毒散麩加陳皮白芍藥煎服或薑茶湯以防之

薑茶湯

治痢疾腹痛者生薑春茶葉等分同煎服薑能助陽茶能助陰况暑毒酒食毒皆能

解之不問赤白冷熱疫痢腹痛通用之
熱痢留薑皮冷痢去薑皮

蠱症痢

久痢不已毒氣蝕於臟腑下血如雞肝雜膿瘵者名曰蠱症痢

渴五內切痛此因服五石湯丸所致其血自百脉經絡而來以茜根丸救之

元薑墨

丸方見

茜根丸

治蠱症痢茜根犀角升麻地榆當歸黃連枳殼白芍藥各等分右為末醋糊和丸梧子大

米飲下五

七十丸

羚羊角元

治蠱症痢黃連二兩黃栢羚羊角鎊各一兩半白茯苓一兩右為末蜜丸梧子大茶

清下五七

十丸

五色痢

痢疾五色俱下乃脾胃食積及四氣相併以菜連丸救之

脾△脾胃為水穀之海無物不受常

兼四臟故痢有五色之相雜當先通利研△濕毒甚盛下痢腹痛大便如膿血或如爛肉汁宜地榆

散黃連阿膠湯二活方見上○五色痢宜服秘方養臟湯絲瓜散神效參香散

秘方養臟湯

治五色痢鶩粟殼蜜炒一錢半陳皮枳殼黃連木香烏梅厚朴杏仁甘草炙各

七分右剉作一貼入黑豆三十粒大棗二枚煎服立效

絲瓜散

治五色痢及酒痢便血腹痛乾絲瓜一枚連皮燒灰爲末酒調二錢空心服

神效參香散

治下痢五色及噤口疳蠱時疫諸痢陳皮鶩粟殼各一兩二錢肉豆蔻赤茯苓

各四錢白扁豆人參木香各二錢右爲末每三錢空心米飲調下

八痢危證

一日熱赤二日冷白三日冷熱相加赤白四日食積酸鼻五日驚青六日脾虛不化七日

時行有血八曰疳卽瀼瀼瀼。一曰冷痢白積二
曰熱痢赤積三曰冷熱不調積下赤白四曰疳痢
黃白積或見五色五曰驚痢青積不臭六曰休息
痢糞黑如魚腸七曰醜痢腹脹便臭肛痛八曰蠱
疰痢下紫黑血如猪肝凡痢。通用
小駐車丸真人養臟湯二方見上

痢疾腹痛

下痢腹痛者肺經之氣鬱在大腸之間實者
下之虛者以苦梗發之凡痢。下痢腹痛不可

用參芪心。凡痢腹痛以白芍藥甘草爲君當歸
白朮爲佐惡寒者加桂惡熱者加黃栢心。或食
粥及肉稍多作痛宜以白朮陳皮煎湯服之且宜
奪食奪食者減其粥食絕其肉味也凡痢。下痢膿
血腹痛不止調胃承氣湯加薑棗煎服方見。瀉訖
以五苓散煎水益元散調下△痢疾腹痛宜香連
丸薑茶湯方見
神效越桃散

香連丸

治赤白膿血下痢腹痛及一切諸痢黃連一兩吳茱萸五錢水浸一宿同炒去茱萸木香

二錢半右爲末醋糊和九梧子
大空心米飲下二三十九

縮

神效越桃散

治下痢腹中滿痛不可忍此名陰陽反錯不和之甚大梔子仁良薑各三錢右

爲末米飲調
下二三錢

聯

痢疾裏急後重

裏急窘迫急痛是也後重者大腸墜重而下也其證不一有因火熱者謂火性

急速而能燥物是也有因氣滯者此大腸之氣壅而不宣通也有因積滯壅盛者是有物結墜也有氣虛者此大腸氣降而不能升也有血虛者所謂虛坐努責是也治法火熱者清之氣滯者調之積滯者去之氣虛者升之血虛者補之。後重者本因邪壓大腸而墜下故大腸不能升上而重用

大黃檳榔輩瀉其所歷之邪今邪既瀉而其重仍在者知大腸虛滑不能自收而重用御米穀等澁劑同其滑收其氣亦愈也研。下墜異常積中有紫黑血而又痛甚此爲死血用桃仁泥滑石行之研。後重窘迫當和氣宜木香檳榔研。自古治裏急後重但用木香檳榔調氣及大黃下積至丹溪始用桃仁滑石活死血其效如鼓應桴研。氣行血和積少但虛坐努責此爲亡血證倍用當歸身尾却以生地黃生芍藥生桃仁佐之陳皮和之血生自安血虛則裏急故用當歸身研。裏急者腹中不寬快也虛坐而大便不行翻者血虛也後重者虛氣墜下也翻

痢疾大孔痛

下痢大孔痛因熱流于下用木香檳榔研。連加炒乾薑煎服翻。下痢大孔痛宜溫

煖之翻。下痢大孔痛一曰溫之一曰清之如久病身冷脉沉小宜溫之如暴病身熱脉浮洪宜清

之研。作痛熱流於下也。鬻。下痢大便不禁。大孔開如空洞。用葱椒末爛搗塞穀道中。併服酸澁固腸之劑。如御米殼。訶子皮之類。收之。下痢大孔痛。此大虛也。瓦片圓如銅錢。大燒紅。投童尿中急取。令乾紙裹。安痛處。以人參當歸陳皮濃煎飲之。聊。又炙枳實熨之。炒鹽熨之。又熟艾黃蠟。訶子燒烟熏之。妙。聊。

痢疾宜下

痢初得一二日間。元氣未虛。必推蕩之。此通因通用之法。用大承氣湯。或調胃承氣湯。下

後看氣血調理。五日後不可下。脾胃虛故也。研。此亦大槩言之。氣血弱者。雖一二日不可下。實者十餘日後亦可下之。下痢腹滿為實。當下之。下痢脈反滑者。當有所去。下之乃愈。下痢已差。至其年月日時復發者。以病不盡故也。當下之。宜大承氣湯。仲景治痢可下者。悉用承

氣等湯加減下之大黃之寒其性善走佐以厚朴
 之温善行滯氣緩以甘草之甘飲以湯液灌滌腸
 胃滋潤輕快積行即止局方例以熱藥為主澁藥
 為佐用之於下痢清白者猶可其裏急後重經所
 謂下迫者皆屬火熱所為
 加以澁熱非殺之而何澼

治痢要訣

行血則便膿自愈調氣則後重自除
 痢治法曰後重者宜下木香檳榔又木香檳

榔丸積聚。腹痛者宜和芍藥陳皮又芍藥甘草

湯腹門。身重者除濕茯苓澤瀉又五苓散寒方。觀

。脉弦者去風秦艽防風又敗毒散寒方。觀。膿血

稠粘者以重藥竭之大黃芒硝又大黃湯。身冷

自汗者以熱藥温之附子乾薑又漿水散。風邪

內縮者宜汗之麻黃白芷乾葛又麻黃升麻湯助

。驚塘為痢者宜温之肉桂木香又水煮木香

丸駢壯。又曰在表者發之在裏者下之在土者

涌之在下者竭之身表熱者內疎之小便澀者分
利之錫。又曰盛者和之去者送之過者止之錫
。治痢藥法色黑大黃色紫地榆色紅黃芩色淡
生薑色白肉桂色黃山查水泄粟殼痛甚木香梔
子。凡痢之初宜立效散一服即愈或木香導
氣湯以撒其毒皆良法也。治痢者必用寒以
勝熱苦以燥濕微加辛熱佐之以爲發散開通之
用固無不效矣。痢疾宜以阿膠珠當歸青皮
赤茯苓黃連作劑入烏梅濃蜜同煎最能蕩滌惡
穢積滯既去則遍數自疎矣。大要以散風邪
行滯氣開胃脘爲先不可遽用豆蔻訶子白朮輩
以補住邪氣及粟殼龍骨牡蠣輩以閉澁腸胃必
爲日久淹延之疾待其腹痛後
重皆除然後乃用斷下之藥

立效散

治赤白膿血痢腹痛裏急後重一服立止黃
連四兩以吳茱萸二兩水拌同炒去茱萸枳

殼麩炒二兩右為末每三錢空心黃酒送下
此治熱積氣滯之痢黃連清熱枳殼破氣

木香導氣湯

治痢初起腹痛裏急後重赤白相雜發熱噤口大黃一錢半白芍藥朴硝黃連

各一錢二分厚朴檳榔各一錢當歸尾赤茯苓各八分右剉作一貼水煎服

痢疾通治藥

痢疾諸證臍腹痛或下鮮血或下瘀血或下紫黑血或下白膿或赤白相雜或如

黑豆汁或如魚腦或如茅屋漏水皆裏急後重頻欲登廁日夜無度通用水煮木香膏六神丸香連

丸坊見加味香連丸白朮安胃散百中散和中飲易簡斷下湯寧胃散坊見救命延年丸。瘡後痢

黃連木香湯

水煮木香膏

治一切諸痢鴛粟殼蜜炒三兩縮砂肉豆蔻煨乳香各七錢半木香丁香訶子

藿香當歸黃連厚朴陳皮青皮白芍藥甘草炙各五錢枳實乾薑炮各二錢半右爲末蜜丸彈子大

水一盞棗一枚同煎至

七分去棗和滓服神

六神丸

治諸痢要藥黃連木香枳殼赤茯苓神麴炒麥芽炒各等分右爲末神麴糊和丸梧子大

每五七十九赤痢甘草湯下白痢乾

薑湯下赤白痢乾薑甘草湯下門入

加味香連丸

治諸痢之總司也黃連炒一兩吳茱萸梔炒一兩木香一錢白豆蔻煨一錢半

加乳香沒藥各一錢右爲末烏梅水浸取

肉和丸梧子大每三十九服如上法醫

白朮安胃散

治一切瀉痢無問膿血鴛粟殼蜜炒二錢赤茯苓白朮車前子各一錢五味子

烏梅肉各五分右剉

作一貼水煎服研

百中散

治一切痢無問赤白二三服便愈。鴛粟殼蜜炒赤色厚朴薑製各二兩半右為末每二三

錢空心米飲調下

忌生冷毒物粥

和中飲

治痢無問赤白久近無不效。但發熱噤口者不可服。鴛粟殼醋炒一錢半陳皮白朮赤茯苓

赤芍藥各一錢陳倉米二錢草果仁七分甘草三分砂糖三錢烏梅一箇右剉作一貼薑三片棗

二枚水煎服

易簡斷下湯

治一切痢尤治虛滑痢。鴛粟殼十四枚去筋膜蒂萼剉醋淹炒。擣為麤末白朮

赤茯苓各一錢甘草炙五分草果一箇連皮剉右作一貼水一碗薑七片棗梅各七箇煎至一盞分

二服

海

黃連木香湯

治瘡後痢疾白芍藥炒二錢白木一錢半黃連炒木香縮砂研黃芩炒陳皮當

歸酒洗各一錢甘草五分右剉作一貼薑三片水煎服

救命延年丸

治男女一切重痢黃連乾薑當歸阿膠珠各等分右三味爲末以醋煮阿膠令

消化和九梧子大每三五十九米飲吞下甚妙

泄痢易治難治辨

太陰脾經受濕而爲水泄久則傳變而爲膿血痢是脾傳腎謂之賊邪故

難愈若先痢而後瀉是腎傳脾謂之微邪故易愈

○下痢有微熱而渴脉弱者自愈○下痢脉數有微熱汗出當自愈

○下痢脉大者爲未止

○下痢手足溫易治手足寒難治

○下痢嘔噦發呃煩燥身熱者難治

泄痢吉凶證

下痢如魚腦髓者半生半死○身熱脉大者半生半死○下痢如塵腐色者死○下

純血者死○下如茅屋漏水者死○大孔開如竹

筒者死○唇如朱紅者死肥上○內經曰腸澼便

血身熱則死身寒則生○內經云身熱則死寒則

生此是大槩言之必兼證詳之方可豈無熱生而

寒死者乎研○下痢手足厥冷無脉者灸之多之

不溫若脉不還反微喘者死融○下痢脉絕手足

厥冷晬時脉還手足溫者生脉不還者死融○腹

鳴而滿四肢清而泄其脉大是逆也不過十五日

死壘○腹大而脹四末清脫形泄甚是逆也不及

一時死壘○下痢之證身涼能食小便通易安若

體熱多汗渴甚小便不利或手足厥冷灸之不溫

兼微喘不食者死燭○凡下痢譫語直視及厥躁

不得眠汗不止無脉及自利不禁身熱脉實者皆

死臥○泄瀉久不止手足寒脉虛脫煩躁發呃氣

短目直視昏冒不識人皆死證也翻○痢不治證
○脉大○身熱○鴨屎○發渴○咳逆○五色○
噤口○紅水○唇紅○手足冷○氣喘○痢後煩
渴欲飲爲心絕○小便絕不通爲胃絕○下痢小
便不通或絕無者此毒氣併歸一藏胃乾者死
○小兒之痢重傷胃氣全不飲食名曰噤口肛門
寬大深黑可畏腹肚疼痛裏急後重鮮血點滴名
曰刮腸日夜頻併飲食直過名曰滑腸皆爲惡候
緒○小兒痢穀道不閉黃汁長流者
不治○病人卧遺屎不覺者死

飯後隨卽大便

飯後隨卽大便者蓋脾腎交濟所以有
水穀之分脾氣雖強而腎氣不足故飲

食下咽而大府爲之殮泄也治法取二神丸空心
鹽湯送下使脾腎之氣交通則水穀自然剋化此

所謂妙合而

疑者也

大便秘結

腎主五液津液潤則大便如常若飢飽勞役或食熱物火邪伏於血中耗散真陰津液虧

少故大便結燥又有年老氣虛津液不足而結者

經曰胃惡燥急食辛以潤之者是也燥○脉有陽

結陰結者何以別之曰脉浮而數能食不大便秘此

爲實名曰陽結也期十七日當劇脉沉而遲不能

食身體重大便反硬名曰陰結期十四日當劇結

○有熱燥風燥陽結陰結經曰結者散之治法陽

結者散之陰結者溫之陽結宜大黃牽牛散陰結

宜半硫丸燥結者大便便秘澀不通也燥屬少

陰津液不足以辛潤之結屬太陰有燥糞以苦泄

之賦○藏府之秘不可一槩論有實秘有虛秘實

秘者物也虛秘者氣也胃實而秘者能飲食小便

赤脾約丸防見七宣丸主之胃虛而秘者不能飲

食小便清利厚朴湯主之揚○秘結之證有虛有

實實則宜蕩滌腸胃開結軟堅如大黃芒硝枳實

厚朴承氣湯之類是也寒方脫虛則宜滋養陰血潤燥散結如當歸地黃桃仁麻仁條芩潤燥湯之類

是也研○桃杏仁俱治大便秘當以氣血分之晝

則便難行陽氣也宜用杏仁夜則便難行陰血也

當用桃仁老虛人大便秘秘脉浮在氣杏仁陳皮

脉沉在血桃仁陳皮所以俱用陳皮者以手陽明

與手太陰俱爲表裏也海○血燥以桃仁酒大黃

通之氣燥以杏仁枳實通之風燥以麻子仁加大

黃利之氣澁而不通者以郁李仁皂角仁潤之疎

○風燥宜疎風潤腸丸皂角元活血潤燥丸○血

燥宜潤腸丸潤麻丸菴沉丸五仁丸小麻仁丸通

幽湯和血潤腸湯當歸潤燥湯○氣滯參仁丸接

風潤腸丸三和湯四磨湯六磨湯

○婦人秘結宜通神散大磨仁丸

大黃牽牛散

治相火遊走臟腑大便秘結大黃一兩
黑牽牛子頭末五錢右爲末每三錢手

足冷者酒調下手足
熱者蜜湯調下命

半硫丸

治老人痰結大便秘澁半夏薑製為末硫黃
研極細以柳木槌殺過右等分薑汁浸蒸餅

和丸梧子大溫酒或

薑湯下五七十九命

七宣丸

治熱留腸胃大便秘結大黃一兩木香檳榔
訶子皮各五錢桃仁十二箇右為末蜜丸梧

子大溫水下

五十九命

厚朴湯

治大便秘虛秘白朮二錢厚朴一錢三分陳皮
甘草各二錢半夏麩九分枳實八分右剉作

一貼入薑三片棗

二枚水煎服錫

當歸潤燥湯

一名潤燥湯治血燥大便秘澁當歸大
黃熟地黃桃仁麻仁生甘草各一錢生

地黃升麻各七分紅花二分右剉先取七味作一貼煎將至半方入桃仁麻仁煎至半空心服心服研

疎風潤腸丸

治風熱鬱滯大便閉澀乾燥須潤燥和血疎風則自然通矣麻子仁二兩半桃

仁二兩皂角燒存性一兩三錢大黃羌活各一兩防風當歸各三錢右爲末蜜丸梧子大白湯下三

五十九
丸堧

皂角元

專治風人大便秘澀羌活防風猪牙皂角枳殼桑白皮檳榔杏仁麻仁白芷陳皮各等分

右爲末蜜丸梧子大溫湯下三五十九丸有熱加大黃丸

活血潤燥丸

治風秘血秘大便常常燥結此與上潤腸丸同但皂角用仁堧

潤腸丸

治大便秘澀杏仁枳殼麻仁陳皮各五錢阿膠珠防風各二錢半右爲末蜜丸梧子大每

夏醫寶金 卷四
五十九丸 老人蘇子湯
下壯者荆芥湯下髓

潤麻丸

治血燥大便不通能潤之麻仁桃仁生地黃當歸枳殼各一兩右爲末蜜丸梧子大白湯

下五十九丸研

正傳名潤體丸

菘沉丸

一名菘蓉潤腸丸治二津液大便常秘結肉菘蓉二兩沉香一兩右爲末用麻仁汁打糊

和丸梧子大每七十丸空心米飲吞下臥

五仁丸

一名滋腸五仁丸治津液枯竭大便秘結婦人產後便秘尤宜橘紅四兩另爲末桃仁杏

仁各一兩栝子仁五錢郁李仁炒二錢松子仁一錢二分半右各另研爲末蜜丸梧子大空心米飲

下五十七丸
十九丸齋

小麻仁丸

治血燥大便秘結此方與上潤麻丸同

通幽湯

治幽門不通大便難宜以辛潤之升麻桃仁泥當歸身各一錢半生地黃熟地黃各七分

炙甘草紅花各三分右剉作一貼

水煎去滓調檳榔細末半錢服

和血潤腸湯

治大便秘燥結不通升麻桃仁麻仁各一錢半大黃熟地黃當歸梢各七分生地

黃生甘草各五分紅花三分

右剉作一貼水煎服

參仁丸

治氣壅大便秘麻子仁大黃各三兩當歸身一兩人參七錢半右為末蜜丸梧子大空心

熟水下三

十九

搜風潤腸丸

治三焦不和氣不升降胃腹痞滿大便秘澁郁李仁一兩木香檳榔青皮陳皮

沉香蘿菘子炒槐角枳殼枳實三稜煨大黃各五錢右爲末蜜丸梧子大空心米飲下五七十九研

三和湯

治氣滯大便秘澁
卽氣門三和散也

四磨湯

治氣滯大便秘澁大檳榔沉香木香烏藥右四味等分各濃磨水取七分盞煎三五沸微

溫服空

心獨

六磨湯

治大便秘澁有熱者四磨湯加
大黃枳殼如上法濃磨汁服糊

通神散

治婦人大便不通大黃芒硝桃仁郁李仁各一兩木香五錢右爲末每二錢米飲調下研

大麻仁丸

治婦人風秘木香檳榔枳殼各一兩麻仁大黃炒各三錢右爲末蜜丸梧子大空心

白湯下三
五十九研

老人秘結

老人臟腑秘澁不可用大黃緣老人津液少所以秘澁若服大黃以瀉之津液皆去定須

再秘甚於前只可服滋潤大腸之藥更用槐花煎湯淋洗肛門亦效。老人秘結宜疎風順氣元

小皂角元二仁元橘杏九黃芪湯膠蜜湯蘇

麻粥三仁粥。常食乳酪血。脂麻汁爲妙

疎風順氣元

治腸胃積熱二便燥澁諸風秘氣秘皆治之老人秘結尤宜大黃酒蒸晒七次

五兩車前子炒二兩半郁李仁檳榔麻子仁微炒

兔絲子酒製牛膝酒洗山藥山茱萸各二兩枳殼

防風獨活各一兩右爲末蜜丸梧子大每五七十

丸空心茶酒米飲任下。此藥專治大便秘澁真

良方也久服精神康健

百病不生尤宜老人

小皂角元

治風秘尊年人宜服皂角炙枳殼各等分右爲末蜜丸梧子大米飲下七十九丸

二仁元

治老人虛人風秘杏仁麻仁枳殼訶子肉各等分右爲末蜜丸梧子大溫水下五十九丸

橘杏丸

治老人虛人氣秘服之大便自無滯滯橘皮杏仁各等分右爲末蜜丸梧子大米飲下七

十九。此治晝便難若夜

便難去杏仁用桃仁熯

黃芪湯

治老人大便秘澁黃芪陳皮去白各五錢右爲末另取麻子仁汁一盞於銀石器煎候有

乳起卽入白蜜一大匙再煎令沸調前藥末三錢

空心服之不過兩服效常服卽無秘澁之患翹

膠蜜湯

治老人虛人大便秘澁連根大葱白三莖新水一盞煎葱爛熟去之入明阿膠珠二錢蜜

二匙攪令熔化空心服搗

蘇麻粥

順氣滑大便治老人虛人風秘血秘大便艱澁婦人產後便秘皆宜服之蘇子麻子不拘

多少等分同擣爛和水濾取汁粳米末少許同煮
作粥食之久服尤佳軼。一老婦忽爾腹痛頭痛
惡心不食正是老人風秘臟腑壅滯氣聚胃中則
腹脹惡心不欲食上至於巔則頭痛神不清服此
粥兩啜而氣泄下結糞十餘枚
臟腑流暢諸疾自去矣軼

三仁粥

治大便秘結老人虛人皆可服桃仁海松子
仁各一合郁李仁一錢右同擣爛和水濾取

汁入碎粳米少許

煮粥空心服旒

脾約證

傷寒陽明病自汗出小便數則津液內竭大便
必難其脾爲約脾約丸主之方見下。成無已

曰胃強脾弱約束津液之得四布但輸膀胱故小
便數而大便難制脾約丸以下脾之結燥丹溪曰
旣云脾弱脾弱則土虧肺金受火之剋肺耗則津
竭脾失轉輸之令肺失傳送之職宜大便秘而難

小便數而無藏蓄也 宜滋養陰血使陽火不熾
則肺金行清化脾土清健而運行津液則腸潤而
自通矣今此丸用之於熱甚而氣實與西北人壯
實者無有不安若用於東南人與熱雖盛而氣血
不實者將見脾愈弱而腸愈燥矣須知在
西北以開結為主在東南以潤燥為功

脾約丸

一名麻仁丸治小便數大便難名為脾約證
大黃蒸四兩枳實厚朴赤芍藥各二兩麻子

仁一兩半杏仁一兩二錢半右為末
蜜丸梧子大空心溫湯下五十九丸

大便不通

大便秘結者常常乾燥而艱難放下也不通
者累日不得通閉塞脹滿也。熱邪入裏則

胃有燥糞三焦伏熱則津液中乾此大腸之挾熱
然也虛人臟冷而血脉枯老人腸寒而氣道澁此
大腸之挾冷然也腹脹痛悶胃痞欲嘔此宿食留
滯也腸胃受風涸燥秘澁此風氣燔灼也若氣不

下降而穀道難噫逆泛滿必有其證矣熱者三黃湯坊見冷者半硫丸宿食宜脾積元風秘宜麻仁

丸紳脾氣不下降則苦黃枳殼湯坊見大腸與肺

爲表裏大腸者諸氣之道路關焉孰知流行肺氣

爲治法之樞紐乎髓。久病腹中有實熱大便不

通潤腸丸微利之不可用峻利之藥傷。大便閉

服承氣湯之類不通者四物湯坊見加檳榔枳殼

桃仁紅花醫。古方通大便皆用降氣之劑蓋肺

氣不降則大便難於傳送用杏仁枳殼沉香訶子

等是也老人虛人風人津液少而秘者宜以藥滑

之用麻仁脂麻阿膠等是也若妄以峻劑逐之則

津液走氣血耗雖暫通而卽復秘或更生他病矣

研。大便不通宜靈寶丹蘇感元坊見潤腸湯大

黃飲子老人虛人宜潤腸丸潤腸湯婦人宜通神

散坊見調導飲。外

治宜宜積丸提益散

脾積丸

治飲食停積腹脹吞酸大便秘結蓬朮一兩

乾木香百草霜巴豆霜各二錢半右為末

麩糊和丸麻子大橘皮湯下五七十九丸

靈寶丹

治大便秘不通推下積滯木香沉香乳香各半

錢巴豆去皮心油二錢右為末大棗三枚蒸

取肉和勻擣作丸如棗豆大每服一九凉水送下

如欲利三行先喫凉水三口然後用凉水送下如

欲五行六行

潤腸湯

治大便秘澀久不通麻子仁一盞半細研水

浸濾去皮取汁脂麻半盞細研水浸絞取汁

桃仁一兩研為泥荆芥穗一兩擣為末右和合

入鹽少許同煎代茶飲之以大便通利為度

大黃飲子

治熱燥大便不通生地黃二錢大黃煨杏

仁梔子升麻枳殼各一錢人參黃芩甘草

各五分右剉作一貼入薑五片豉二十一粒烏枚一箇同煎服

潤腸丸

治老人血少腸胃乾燥大便閉結甚至七八日難下色如猪糞少如羊糞者當歸生地黃

枳殼桃仁麻仁各等分右爲末蜜丸

梧子大空心米飲下四五十九丸

潤腸湯

治老人虛人大便閉結蜂蜜一兩香油五錢朴硝一撮右合水一鍾煎數沸溫服

調導飲

治婦人產前後大便不通當歸川芎防風枳殼各一錢二分半甘草三分右剉作一貼入

薑三片棗二枚

空心水煎服

宣積丸

治大便秘塞巴豆去殼乾薑韭子良薑硫黃甘遂白檳榔等分右爲末飯丸如雞子黃大

早朝先以椒湯洗手麻油塗手掌握藥一粒移時便瀉欲止則以冷水洗手

提盆散

治大便不通草烏爲極細末葱白一枚切去根其頭上有汁濕蘸草烏末納肛門中卽通

○卽霹靂箭能治大小便不通

大小便不通

凡大小便不通內經謂之三焦約約者不行也又曰大小便不通者陰陽關格乃三

焦約之病也○三焦約大小便不通宜枳殼丸

五方方推氣丸○大小便不通宜三一承氣湯車狗

散鐵脚丸顛倒散倒換散蜚蝗散甘遂散貼臍

膏○外治宜迴生神膏丁香散掩臍法導便法

推氣丸

治氣不升降大便秘澀小便赤黃黑牽牛頭末大黃檳榔枳實陳皮黃芩各等分右爲末

薑汁煮糊和丸梧子大

淡薑湯下三五十九丸

三一承氣湯

治傷寒及雜病熱盛大小便不通胃腹滿痛方芒硝以大黃引之直入大

腸潤燥軟堅瀉熱以在下言之便尿俱陰以前後
言之則前氣後血以腎言之總主大小便難夫尿
澁便秘俱爲水少經曰熱滯于內治以鹹
寒佐以苦故用芒硝大黃相須爲使也

車狗散

治大小便久不通煩滿欲死推車客七箇土
狗七箇如男子病推車用頭土狗用身女子

病土狗用頭推車用身右二物新瓦上焙乾爲末
以虎樹皮向東南者濃煎湯調服卽通如神
○推車卽蟻娘也土狗卽螻蛄也虎目
樹一云檮木一云虎杖恐檮木爲正

甘遂散

治大小便不通赤皮甘遂二兩煉蜜二合和
勻每一兩分四服日進一服蜜水調下

鐵脚丸

治大小便不通大皂角燒存性爲末
酒麪糊和丸梧子大酒下三十九丸

顛倒散

治大小便不通或小便不通或大便不通皆
治之大黃滑石皂角各三錢如小便不通滑

石加三稜如大便不通大黃加三錢如大小便俱不通大黃滑石各加三錢右為末每取三錢空心

溫酒調

下鑿

貼臍膏

治大小便不通甘遂為末麩調作糊貼臍中及臍下硬處別煎甘草湯服之以通為度

倒換散

治大小便不通如大便不通大黃一兩杏仁三錢如小便不通大黃三錢杏仁一兩右剉

分二貼水煎服

煎服類

蜚螋散

一名二妙散治大小便不通六七月間尋牛馬糞中蜚螋不以多少用線串起陰乾收貯

用時取一箇要全者放淨塲上四面以灰火烘乾以刀從腰切斷如大便閉用上半截小便閉用下

半截二便俱閉全用為細末新汲水調服即通

迴生神膏

治陰證大小便不通數日危急者用之非急勿用牡蠣陳粉乾薑炮各一兩右為細

末男病用女人唾調手內擦熱緊掩二卵上得汗出愈女病用男子唾調手內擦熱緊掩二乳上得

汗出愈蓋卵與乳乃男女之根蒂坎離之分屬也藏海

丁香散

治大小便不通如神苦丁香五錢川烏炮草烏炮白芷猪牙皂角炮細辛各三錢胡椒一

錢麝香少許右為細末用竹筒將藥吹入肛門內即通翻

翳臍法

治大小便不通以白礬末一匙安臍中冷水滴之令冷透腹內即通翳。治大小便不通連根

葱一二莖帶土生薑一塊淡豆豉二十一粒鹽二匙同研作餅烘熱掩臍中以帛繫定良久氣透自通不通再換一餅澗。治大便閉結至極昏不省人生大田螺一二枚鹽一匙和殼生擣置病人臍

下一寸三分用帛包繫即大通。又方田螺連殼擣爛入麝少許貼臍中以手揉按立通。治大小便不通。巴豆肉杏仁皂角右為末作餅掩臍上火炙自通。蝸牛膏治大小便不通。蝸牛三枚連殼擣為泥加麝香少許貼臍中以手揉按之立通。無蝸牛則用田螺歷試殊效。

導便法

諸大便不通老人虛人不可用藥者用蜜熬入皂角末少許捻作錠子納肛門即通。蜜煎

導法取蜜七合微火煎如飴捻作錠如棗核樣納穀道中用手按住欲大便時去之。治大便不通取大豬膽一箇瀉汁和醋少許灌入穀道中須臾大便自通。蜜允法治大便不通。蜜三合入豬膽汁兩枚煎如飴候凝捻作小指頭大沉冷水中取納肛門立通。一方入皂角末和勻作錠尤好。入薄荷末亦佳。燻方治大便不通。皂角用梳燒置桶內熏下部自通。蜜導法火煉蜜稠厚

黃色傾入冷水中急捻如指大隨用皂角末麝香
共爲衣將油塗抹大腸內納入穀道大便卽通翻
○猪膽汁導法猪膽一箇傾去汁少許入醋在內
用竹管相接套入穀道中以手指燃之令膽汁直
射入內少時卽通翻○香油導法用竹管蘸葱汁
深入大腸內以香油一半溫水一半同入猪尿脬
內燃入竹管將病人倒放脚向上半時立通翻○
大便不通多日百方不效令人口含香油以小竹
筒一箇套入肛門吹油入肛內病者自覺其油如
蚯蚓漸漸上行片時下黑糞而安甯○俗方以清
醬香油相和灌肛內卽通或以生苦蕒浸油
醬插入肛內亦通○蜜導非皂角則不通臥

單方

凡七
十種

硫黃

治冷瀉暴瀉所下如水硫黃滑石
等分爲末溫水調下三錢立止痢

焰硝

治關格大小便不通蜜一鍾硝二錢白湯一鍾空心調服卽通翻

好黃土

治泄痢赤白腹痛下血好黃土水煮三五沸去滓煖服一二升韎

百草霜

治暴瀉痢取細末二錢米飲調下韎。久瀉不止百草霜末粥丸白湯吞下翻。

蒼朮

治傷濕泄瀉或合茯苓或合芍藥每五錢水煎服之若傷風泄瀉合防風水煎服之液

白朮

治一切泄瀉煎服末服丸服並佳或合白芍藥白茯苓同煎服止泄尤佳液

車前草

治熱泄取莖葉搗取汁一盞入蜜一合溫分二服韎

車前子

治一切泄瀉炒爲末空心取二錢米飲調下最妙或水煎服亦良齏

木香

治諸泄瀉痢疾皆佳煎服末服並良或合黃連爲丸治赤白諸痢甚佳韎

白芍藥

治泄瀉痢疾煎服末服丸服皆佳
酸收甘緩下痢必用之藥也湯液

黃連

治赤白痢腹痛或下膿血黃連三錢酒煮服或
為末雞子白和丸服並佳黃連治痢蓋以苦燥

之義若熱痢血痢則
佳冷痢則不可用鞣

乾薑

主冷泄冷痢煎服末服並佳若血痢
則燒存性為末每一錢米飲調下鞣

土瓜根

治大便不通擣取汁以
竹管吹入肛內即通鞣

馬蘭子

治水痢熬黃為末同白
麩等分米飲下二錢鞣

萱草根

治大便不通取一握同生
薑擣取汁服之立通鞣

黃芩

主腸澼赤白痢腹痛身熱與芍
藥同用煎服丸服末服並佳湯

艾葉

主赤白痢及膿血痢
醋煎空心服之韎

地榆

治痢性沉寒入下焦赤白痢及膿血痢水
煎空心服三合如水瀉及白痢不可用韎

肉豆蔻

主泄瀉如暴水泄不止取三箇麩裹煨爲末
作一服米飲調下神效若冷痢腹痛不能食

取末一錢
米飲下關

縮砂

治冷泄及休息痢取末
一錢空心米飲調下研

大黃

通利大小便又治熱痢下膿血欲
通大便水煎服熱痢酒煎服之關

黑牽牛子

通利大小便如大便不通半生半炒爲末
每二錢薑湯調下如未通再以熱茶清調

下○風秘結澁微炒爲末一兩麩炒桃仁
末五錢蜜丸梧子大溫水下三十九韎

菼蓄

治大小便不通開紫花水邊生者爲佳
採根擣取汁一盞服之得通卽止

榆白皮

主大小便不通
水煎空心服

檳榔

通利大小便又治大便不通
取細末二錢空心蜜水下

五倍子

治腸虛泄瀉取爲末以
白湯調二錢服立止

訶子皮

主泄瀉及赤白諸痢訶子三箇兩枚炮一枚
生用同爲末溫水和服。氣痢久痢煨取皮

爲末二錢和
米飲頓服

樗根白皮

主赤白痢及久痢腸滑不禁取皮一握陳
米一合葱白三莖甘草三寸豉二合水煎

空心頓服血痢尤神效
爲末作丸名固腸丸

橡實

澁腸止泄瀉作細末和米飲常服

槿花

主赤白痢作末和米飲服或和麩作煎餅食之

蜜

治痢為最蜜與薑汁各一合溫水和頓服

蠟

主下痢膿血黃蠟不拘多少用銀篋梳於香油燈上燒熏洛下水碗內如此七次為九蘿菑子大每

三十九白痢甘草湯下赤痢烏梅湯下

牡蠣粉

止大小便治遺尿不覺牡蠣粉白礬枯等分為末酒服二錢日三亦治遺尿

鱉

大痢後脫肛一人患痢月餘糟粕不實晝夜五治次又脫肛取鱉一箇治如食法用生薑米糲作

羹入砂糖一小塊不用鹽醬熟煮喫一二椀三日而愈蓋鱉乃介虫屬金而補肺與大腸故有效焉

鮒魚膾

主久赤白痢腸澼和醋醬蒜薑食之韎。血痢及噤口痢魚肚釀白礬燒灰為末米飲調

下或入白礬蒸熟和鹽醋喫即效

露蜂房

療赤白痢亦治大小便不通取房蒂為末溫酒調一錢服之即效一名紫金砂

糞蛆

治噤口痢甚效取蛆焙為末清米飲調下一錢

蓮子肉

止痢又治噤口痢去皮留心為末米飲下二錢

烏梅

澁腸吐痢。血痢白梅肉一箇合蠟茶加醋湯沃服之一啜而差。赤痢及久痢烏梅水煎和

蜜服。休息痢合建茶

乾薑為丸服之大驗

桃花 利大小便花落時拾取陰乾爲末水調服
或作煎餅喫治大小便不通卽效和

桃葉 主大小便不通擣取汁服半升卽通和

桃仁 治大便秘血結血秘血燥秘澀
不通研取汁作粥服之湯

酸石榴殼 止赤白痢燒赤爲末米飲下二錢亦治暴瀉不止○冷熱不調或下赤白青黃者石

榴五枚合殼杵絞取汁每取一合數服卽斷或取殼爲末飯丸服亦得和

大麻仁 治大小便不通及風秘熱秘血秘研取汁作粥食之或與蘇子取汁作粥名蘇麻粥和

生脂麻油 治熱秘大便不通每服一合取利爲度和

赤小豆 止泄痢作粥食之○赤白痢作粥和蠟一兩頓服和

糯米

止泄瀉半生半炒
煮粥食甚效

神麴

止泄痢熬爲末粟米飲調下二錢日三服。暑
時暴泄神麴炒蒼朮製等分爲末麴糊和丸梧

子大米飲下三十

丸名麴朮丸

鴛粟殼

主一切痢若日久腹中無痛當澁腸則去瓢
帶醋炒爲末米飲調一錢服。此物治痢

如神但用早則性緊澁多令人嘔逆或成噤口痢
關。久痢虛滑一日百行取殼薑汁浸一宿炒乾

爲末每二錢米飲調

下卽效名百中散

冬葵子

治大小便不通腹滿欲死取二升水四
升煮取一升入猪脂一合調服卽通

雞腸草

主小兒赤白痢取汁
一合和蜜服之良

薺菜

主赤白痢取根葉燒灰
爲末和米飲服極效

葱白

治大小腸不通取白擣爛和醋封小腹上卽效
○赤白痢葱白一握細切和米煮粥食之

韭菜

治諸痢如赤痢韭汁和酒溫服一盞如水穀
痢作羹粥或煤炒任食之白痢則煮食之

薤白

治久痢冷瀉常煮食之○赤
白痢取白和米作粥食之

獨頭蒜

治大便秘不通取一枚煨熟去皮
綿裹納下部冷則易卽通

馬齒莧

利大小便和米糝五味作羹食之○赤白痢
擣取汁三合和雞子白一枚和勻溫服再服

卽愈或取莧煮熟入鹽醬薑醋拌勻食之
○小兒血痢取汁一合和蜜一匙服

白蘿蔔

治久痢取汁一鍾蜜一
鍾煎勻溫服立止

亂髮

主大小便不通燒爲灰取一錢調溫水一日三服。赤白痢服如上法或作丸服。韎。

黃雌雞

治赤白久痢取一隻治如食法作羹常食之。腸滑下痢取一隻治如食法火炙鹽醋刷

之又炙令燥空腹

食之名炙雞散韎

雞子

治久赤白痢醋煮熟空心食之或取一箇打破用蠟一錢熔化拌勻炒食之又取黃和胡粉燒

成末酒服

一錢韎

烏骨雞

治小兒噤口痢取一隻治如食法煮取清汁頻與服之痢止胃開。韎。

家鴨

止痢治如食法煮爛飲汁食肉或作羹食之。韎。

雉

主久痢腸滑不下食治如食法着橘椒葱鹽醬調和作餛飩食之。韎。

牛肝

治痢醋煮食之韃

牛角鯁

主赤白痢及冷痢瀉血燒存性爲末温酒或米飲調下二錢或蜜和作丸服之韃

黃雄狗頭骨

主久痢勞痢休息痢取腦骨炙黃爲末米飲調二錢服或蜜和作丸服之韃

狗肝

治下痢臍腹痛狗肝一具細切米一升和煮粥着葱椒鹽醬喫之韃

猪肝

主冷泄濕泄滑泄取肝薄切温塗煨訶子皮末微火炙盡末五錢空心細嚼米飲送下韃○暴

泄濕泄猪肝漿水煮熟食之齏○氣虛下痢瘦乏猪肝一具切片入醋一升煮乾空心食甚妙韃

猪膽

治大便不通齏規導

鍼灸法

大渴飲水多爲滑泄水入卽泄泄而復飲此無藥當灸大顛三五壯腧○泄瀉三五年不愈灸

百會五七壯卽愈鬻。久泄痢灸天樞氣海大能
止泄瀉。泄痢不止灸神闕七壯七壯三關元三
十壯。瀉泄灸臍中爲第一三陰交次之。蠶。○
泄痢灸脾俞隨年壯臍中二十壯。關元百壯三報
二七壯。瀉泄取陰陵泉然谷巨虛上廉太衝
。泄瀉如水手足冷脉欲絕臍腹痛漸短氣
灸氣海百壯。下痢腹痛便膿血取丹田復溜
小腸俞天樞腹衰。冷痢關元窮谷各灸五十
壯。裏急後重取合谷外關。痢不止取合
谷三里陰陵泉中脘關元天樞神闕中極。○諸
下痢皆可灸大都五壯商丘陰陵泉各三壯。○
大便秘澀取照海。○大便不通取三間承山太白太
白瀉之。○大便不通取三間承山太白太鍾三
里涌泉崑崙照海章門氣海。○大小便不通取
大都環崗水道。○開格吐逆而小便不通先灸
氣海天樞各三七壯吐止然後用益元散以利小

便墮。婦人產後腹脹大小便不通。取氣海足三里關元三陰交陰谷。

東醫寶鑑卷四下終